

2423

國朝詞綜

冊三

1

2

3

4

5

國朝詞綜卷十六

青浦 王昶 纂

孫致彌九首

錢肇修一首

狄億六首

姜遴一首

陶爾穉一首

姚士陞二首

張燠一首

陳璋一首

焦袁熹九首

高式青一首

韓獻一首

姜宸英一首

魏坤八首

查嗣瑛一首

范允鏞二首

張德純一首

楊守知一首

孫致彌字愷似號松坪嘉定人康熙二十七年進士官侍讀學士有別花餘事一卷梅泚詞

四卷衲琴詞一卷

樓敬思云松坪先生別花餘事絕似東山東堂小山淮海梅泚詞則旁及於青兕而變化於樂笑其清空騷雅鬢鬢乎入宋人之室矣

浣溪沙

千頃雲邊笑語來
苔痕偷染踏青鞋
相扶紅袖下瑤

堦 畫扇戲粘蝴蝶粉花闌賭記牡丹牌祝他蟾子
上金釵

又

未解相思學遊人慵開笑口易眉顰不知何事不宜
春 稱撥香弦纖指爪怯迴珠玳小腰身賺他寶馬
一逡巡

又

新綠陰中酒旆招石場絃管畫樓簫留春無計索春
饒 醉倚檀槽調淨婉戲拋瑤篴泥櫻桃輕魂禁得
許多銷

青玉案 泛舟橫塘作用賀方回韻

十年不踏行春路重載酒尋山去曲曲疎林帆影度
鷗邊寒水鴈邊斜照多少關情處 生烟一抹鱸鄉
暮紅葉休題怨秋句青蕩綠蓑心久許終須買箇櫂
頭船子醉聽雙橋雨

洞仙歌 調高槎客

熏爐鳧藻借南枝香遠社結鴛鴦自春暖有飛迴青
雀錦字銜將油壁駕迎取秦簫仙伴 佳期頻屈指
莫呪紅輪已是寒天恁般短卻扇促題詩清粉研螺
也儘敷妝樓消遣便再向樽前遇娟娟料不暇憐他

翠釵花瓣

望江南

人去也縱是夢難留
半夜酒醒垂柳岸
一聲長笛杏花樓
樓下水空流

虞美人

青旛半捲花枝動
蝶翅酣香重
曲闌紅映綠波中
又是一聲鶯囀落花風
海棠午倦眠初足
扶起眉峯
蹙水晶簾下儘思量
獨自倚樓和夢送斜陽

賀新涼 賦別

驄馬嘶香陌對離樽
牽衣難住悄然行
客脈脈相看無一語
奈此飄蓬蹤
躑躅消幾箇花朝
月夕悔煞重逢
添別恨拚青衫消受
紅冰濕且爛醉玉釵側
浣花箋紙桃花色
譜新詞殷勤寄語
征途將息夢裏不知
人去也問取歸期
端的又怕鱗鴻難覓
明日關山今夜酒黯消
魂同凭闌干立芳樹
暗暮雲碧

摸魚子 秋暮

挂蒲帆鯉魚風弱
吳淞江上秋暝潮迴
沙尾圓紋沒
點點蘋花如鏡
相掩映倩菰雪菰雲譜
出寒波靜眠鷗乍醒
漸牧笛橫烟釣船吹
火月黑鴈無影
蓴鱸興一片西風誰省
年年長負清景
松醪半凍頗黎色

不敵晚來愁凝天水迥待倚醉高歌小海無人應茫茫千頃怕驚起蛟龍中宵嘯舞電拂劍花冷

錢肇修

字石臣錢唐人入籍奉天康熙三十年進士官至監察御史有槩園詩餘一卷

滿庭芳

酥雨澆花煖雲蔭草小庭春晝遲遲青桐么鳳高下逐花飛綺閣重簾乍捲鶯聲巧催喚紅兒有人伴玉臺梳洗學畫遠山眉徘徊重對鏡試拈珠翠耐可相宜料熏爐初徙香染羅衣蝴蝶飛來雲鬢釵梁上顫動紅絲閒凝望凭闌未久斜日墜樓西

狄

億

字立人溧陽人康熙三十年進士授庶吉

士

南柯子

暝日嬌晴柳輕風戀落花搖颺酒帘斜孤邨流水遶有人家

憶王孫秋怨

秋風一夜滿天涯幾樹丹楓葉作花漫倚高樓對落霞不歸家又見橫空鴈影斜

點絳脣晚次荆溪

柳岸誰家窗前曲曲清溪抱漏深人悄逗得燈光小

擬泛輕舟咫尺山陰道青春老杜鵑啼了客夢隨芳草

菩薩蠻 露筋祠

平湖渺渺烟波路傷心幾簇窮秋樹風雨冷荒祠鴉巢烏柏枝 蒼茫天接水浪捲斜陽裏蕭颯不勝情孤鴻三兩聲

臨江僊 金陵懷古

城郭依然風景異六朝金粉生愁興亡不到大江流銀濤雪浪終古自悠悠 贏得秦淮多少恨興懷百尺樓頭琵琶一曲淚難收夕陽山色裏猶帶舊時秋

又

月滿樓臺花滿路當年無限風流而今勝蹟已荒邱空餘殘照烟澹白蘋洲 惆悵長干橋下水清光縹渺長浮南朝佳麗等閒休天生歌舞地強半使人愁姜 遴字萬青江南華亭人康熙三十年進士

浣溪沙

描黛無心鎖鏡鸞雀釵斜壓鬢雲殘重門人靜意闌珊 菡萏風來金屈戌芭蕉雨過玉闌干虛廊小立乍微寒

陶爾穉 字穎儒青浦人康熙三十年進士官葭州

知州有遵渚集

珍傲宋版

清平樂 畫勝

瑞圖勝字飛白閒書地隔院燈光人語細親祝好春
如意 曉來喜氣當關分明巧樣連環幾日鏤金綵
燕又看扶上釵環

姚士陞

字別峯桐城人康熙三十二年舉人有空
明閣集二卷詞附

江南好 真州舟次

風不起蕩漿鏡光圓殘月明邊垂柳岸曉風香過賣
花船自在枕書眠

又

前路遠小泊綠楊橋花港月明人影亂玉樓風細笛
聲高獨客夜無聊

張

燠字聲百撫寧人康熙三十二年舉人有秦
游近草詞一卷

菩薩蠻

青山別後還依舊看花歸去香盈袖温夢怕人知挑
鐙不語時 濃春偏釀恨風雨還成陣多事鳥雙來
啣紅落碧苔

陳

璋字鐘庭長洲人康熙三十三年進士官至

太平時

一線春光迴織烏逗紅酥數行晴鳥下平蕪喜相呼
樓角風微雲鬢翹望清都銀旛裁出費工夫似飛
鳧

焦袁熹字廣期金山人康熙三十五年舉人有此

木軒直寄詞二卷

李健林云直寄詞高麗精巧音節間超然
入勝昔人稱梅溪融情景於一家會句意
於兩得作者亦然

菩薩蠻

盈盈步襪花陰裏低頭不省釵兒墜記得別伊時柳
條千萬絲天涯知甚處飛絮狂如許昨夢已朦朧
一年春又空

更漏子

漏初殘更未審半暝半寒鴛錦雛燕語乳鴉飛憶他
臨別時隔窗花臨牖柳陌上幾番回首紅洗露綠
梳風舊懽如夢中

阮郎歸

池塘綠滿燕泥融秦樓初日紅紅簾翠幌一重重玉

人春夢中 芳訊斷畫屏空山長水不窮飛花落絮
太匆匆蝶魂何處逢

西江月 廢園

斜日赤闌橋影依然一水滌回小車疑載管絃來隱
隱輕雷塘外 罨絮飛花院落含風貯月池臺舞裙
一半已成灰蝴蝶春魂可在

杏花天

細風吹到眉山畔悄妝閣紅簾日晚流鸚曲裏飛英
亂一寸柔腸易斷 花驄過聽來幾遍想年少春愁
未慣攔干十二烟絲軟夢逐楊花更遠

蝶戀花

草綠閑堦花滿砌深院無人蛺蝶還飛至春事一年
狂絮起新愁往恨東風裏 鬪草蹋青無好計醉顛
菅騰盡日簾垂地燕子歸來雙語細如何管得人顛
顛

又

日轉窗紗花影弄鏡裏雙蛾一晌閒愁湧金鴨濃香
誰與共小屏深處鸞衾擁 紫燕啣泥棲畫棟零落
春魂是處花成冢絮亂絲繁春睡重東風吹斷天涯
夢

梅子黃時雨 本意和山中白雲詞韻

眼底心酸見青子翠陰簾幙深隱早醞釀吳天夢雲
無影一枕紗窗頻睡覺乍寒乍暖愁成病天涯景懜
懂遠山何處孤艇 牽引年時情興便檐花細酌醒
後驚聽况莫莫朝朝淚添千頃閑煞箏絃衣袖醜怪
他金鴨屏幃近南風緊乳燕一雙歸暝

曲游春 闌干

小院東風軟甚曲廊圍著春思千斛盡日瞢騰搭絲
絲烟縷困眠難足誰把愁城築恁低亞恰當胸菽倚
醉拖翠袖温存一晌自憐幽獨 滿目看朱成綠更
雙螭穿來飛去還速紅甲留痕記凭肩前度暗縈衷
曲裙底細鈎蹴怎禁得楚腰如束教放十二筠簾夢
雲又逐

高式青字則原仁和人康熙三十五年舉人官永

寧縣知縣

小重山 送張砥中北上

雲樹蒼茫日欲昏不須斟別酒已消魂大江滾滾浪
如銀扁舟去一葉渺無痕 何事便輕分西湖秋色
好桂花新題詩應念舊同羣京華路十丈馬頭塵

韓獻字希一烏程人康熙三十五年副榜

朝中措 寄懷吳赤一

長安三月解征衫
花落夢魂
知君誰共
市中擊筑座上雄談滿地悲
笳塞北連天芳草江南

姜宸英字西溟慈溪人康熙三十六年進士官編修

蝶戀花

浪逐韶光朝復暮
手把金卮暗識歌聲誤
十二朱闌紅一樹
夢魂又向花間去
堪嘆浮生萍梗聚迴首
斜陽又隔西陵渡
那有臨邛芳草路
三春只是和愁度

魏

坤字禹平嘉善人康熙三十八年舉人有水村琴趣四卷

朱竹垞云魏孝廉水村琴趣力追南渡作者

十六字令

眠一枕花香篆影圓
微風入吹夢到鶯邊

南鄉子 潞河送別

鬢影西風吹上蒲帆六幅中
烟外沙村雲外樹
今夜雨水驛燈昏聽鴈語

城頭月 咏燕同徐虞木賦

凌風玉剪穿簾去花底雙雙住細雨催歸輕烟織影
低向紅窗語 年時漂泊愁如許瀚海成羈旅悔別
雕梁難尋舊壘不記樓中路

惜秋華 餞菊同左羽融谷文起賦

獨殿秋容趁鴻天燒燭伴人羈旅冷艷逗香亭亭小
窗延佇故園記摘霜葩倩素手同簪斜覷心許凭紅
欄夜深深鬢邊細語 客裏甚情緒似相依勝友歲寒
偏去一翦西風早引別愁千縷者番蕭瑟應憐向籬
根頻澆芳醕凝注對殘陽落英低訴

喜遷鶯 送鄒憲章佐湯溪

芳春纔去又紅亭送客亂飛紅雨麥浪堆雲柳綿捲
雪漸近江南驛路一點鄉心天末遙寄片帆烟樹經
鶴渚溯鴛湖爲我暫停柔櫓 延佇想故里梅子黃
時吹上西興渡穀水揉藍雲溪罨畫中有竹雞啼暮
恰好平分風月地靜不喧鼙鼓攜蠟屐訪僊華勝卻
哦松得句

解連環 用留別韻再送子韶

玉驄嘶遍最難忘扇底那時人面早冷卻翠被香篝
又鞭影霜痕短衣長劍行到江城趁落日青帆幾片

問銷凝甚處葦花楓葉酒旗村店
吟毫凍雲漫染
儘梅邊點雪鬢邊吹散料此去臥穩柴桑把故里新
筭一編閒展燭剪窗紗哦不盡聽風聽鴈只愁予信
杏刀鑲歲華屢宴

摸魚子 餞梅

隔窗紗幾聲羌管愁心暗碎瓊圃夜殘夢斷羅浮月
紙帳峭寒人妬榮別緒是歲晚相依曉趁輕風去銷
凝甚處待硯滌紅絲毫飛青鏤東閣砌愁句 家林
近雪後還添半樹亭亭素手延佇從今寂寞烟村裏
瘦影橫斜幾許催燕語尋一片春泥綠齒埋香路萍
根且住盼密葉牆陰青丸如豆枝上喚鳩雨

又清明用前韻

禁烟時賣錫天氣惜春人在花圃曉窗纔放些晴意
又恐惹東風妬愁觸緒盼寂寂空梁舊燕新來去桃
門何處記挑菜歸時踏青散後零落斷魂句 凭闌
倦眼底鄉園幾樹夕陽一片凝竚春山只隔蘼蕪影
渺渺江流如許渾不語望不見春堤絲柳香車路小
樓獨住儘數遍昏鴉薄寒料峭臥聽杏花雨

查嗣瑛

字德尹海寧人康熙三十九年進士官侍

金縷曲 寄李分虎金陵

敗柳西風老記年時折殘恁處舊游草草十二橋邊
回首處十四樓前月小說別後酒狂絕倒紅袖烏絲
雙鳳管儘挑燈自唱新詞好傳寫去寄同調 斜陽
籬落蟲初報又新涼牀空簾滑一番秋到夢去秦淮
烟水闊也擬他時一棹怕壓土相逢難料準理蠶鄉
漁浦約算棋燈藥火資還少還相約杜門早

范允鏞

字用賓錢唐人康熙三十九年進士官監
察御史有嘯堂詩餘一卷

醉春風 月夜

永夜冰輪起望斷人千里碧紗弄影隔窗明睡睡睡
帳押流蘇香埋掩叭歌枕愁無寐 偏似憐憔悴蠟
炬先成淚銜盃自勸臉生春醉醉醉琥珀浮紅蒲萄
釀綠都是愁滋味

蘇幕遮 春思

粉牆陰蝴蝶路楊柳樓心故作天斜舞綠淺紅深春
幾許一半將歸一半還留住 杏花灣桃葉渡芳草
連天沒箇遮闌處悵望王孫從此去舊時燕子歸來
語

張德純字能一青浦人康熙三十九年進士官常

山縣知縣

望湘人 午日立夏

是便蒲喫酒香艾熏衣間庭槐影剛滿日最長時人
偏倦後刺繡工夫初短子綻金罌花開鳳嘴競催深
暖望南湘烟水冥迷盡日畫簾高卷 可奈情腸易
斷較盈盈竹上淚痕深淺便續命絲長難續花陰一
綫鬢雲微鞞裙波乍緩愁聽雙飛乳燕問如今何處
招魂應比湘江還遠

楊守知 字次也海寧人康熙三十九年進士官平

涼府知府有意園詞一卷

減字木蘭花 題壁和越溪女子宛雲

素芳誰識不似渡頭根與葉飄泊偏憐飛了楊花又
一年 聽殘夜雨十斛離愁方寸貯只隔花關一片
癡雲萬疊山

國朝詞綜卷十六

國朝詞綜卷十七

青浦 王昶 纂

陳聶恆四首

姜垚二首

卓天寅一首

賀宿一首

江尚質一首

鄭熙績一首

葉藩一首

史惟圓一首

陳履端二首

朱昆田一首

葉尋源一首

徐履忱一首

岳驥一首

顧彩一首

鄭景會一首

范纘一首

周禹吉一首

姚景崇一首

湯豹處一首

鮑夔生一首

李錢琇一首

李伍漢一首

金張一首

柴際溶一首

曹霏一首

顧仲清一首

沈渭一首

李長苞一首

孔傳誌二首

雷維馨二首

金長輿一首

金標一首

周珂一首

周霽二首

丁灤一首

卓允基一首

陳聶恆 字曾起武進人康熙二十九年進士官荔浦縣知縣遷刑部主事改檢討有相園詞

三卷

小重山 寄趙侯赤餘杭官舍

緩步東風得共游
洗妝樓下路亂紅稠
故園何日話
閑愁雲谿過黃葉滿東流
湖水碧於油
孤山疑晚黛一痕浮
六橋絕好蓼花秋
今宵夢同上木蘭舟

黃金縷 過黃艾庵先生鷗邊小閣

簾卷一層波
萬頃嫋嫋風生吹得斜陽冷
看盡小橋秋樹影
落殘松子香猶賸
此夜不成還獨醒
獨立花前愛酒人
微病已到月明歸未肯
隔谿飄渺傳僧磬

減字木蘭花 晚眺

城東歸路菱港人來
酤酒去欵乃漁舟
一葉蘆花滿地秋
繁華何在難問離宮煙草外
老盡垂楊猶有寒鴉送夕陽

風入松 過外舅錢東臯先生清映堂

平橋一片響蒲菰
虛翠濕衣裾
斜陽亂織蜻蜒影
釣絲風吹落紅藻竹檻有時欹枕桐窗
隨意攤書眼
前一幅輞川圖
展向月明初蒲萄架就清陰徧
夢三

更絡緯聲疎信是谿堂秋早掩關人在冰壺

姜

垚

字汝臯餘姚人貢生官國子監學正有柯亭詞一卷

點絳脣不寐

譙鼓頻催夢迴依舊橫孤枕月移花影風墜飄金井
衾薄誰添夜夜鄉心冷空思省曉來酒醒閒殺鴛鴦錦

憶少年憶舊

悄攜纖手偷描眉嫵盈盈香陌桃花度流水只芙蓉
城隔一寸相思愁千尺算從來縱難追憶杜鵑聲
不斷看山雲凝碧

卓天寅字火傳仁和人

踏莎行

日映紅窗烟霏碧樹懨懨長晝渾難度曉風和淚捲
珠簾一雙燕子花閒去底事凝眸無端獨語春光
欲暮誰爲主晝屏風上認伊家小橋垂柳江南路

賀宿字天士丹陽人

好事近

草綠蝶香濃惱殺妒花風雨雨後落英片片向畫橋
流去夕陽醉起太無聊夢斷聞鶯語又是晚霞零

亂嘆人歸何處

江尚質字丹崖休寧人有澄暉堂詞一卷

惜秋華

瑟瑟金風顫西園敗葉聲聲偏早怕捲繡簾暗傷一
番懷抱黛眉重鎖隋堤恨雁影高飛雲表人悄只窗
迎冷月燈搖殘照欲待強歡笑奈池邊柳色漸成
枯槁幽夢趁他砧杵斷邊程難到琵琶譜入相思又
喚起新愁不了煩惱爭能勾共伊知道

鄭熙績字懋嘉江都人有蕊樓詞一卷

朝玉階春情

鳥語鶯啼覺曉眠似傳花事近艷陽天輕籠蟬鬢過
南園風飄榆莢墜沈郎錢雙雙蝴蝶舞翩翩繞繞裙
飛不去把人憐歸來無語憶從前擬將衷曲事寄春
箋

葉藩字桐初太倉人有惜樹齋詞

念奴嬌廣陵送毛亦史之白下

萍蹤忽聚怪旗亭貰酒相逢還別點染楓林青嶂外
漸過小春時節鴈陣橫空孤帆南渡潮滿江聲闕揚
州自遠石城多少明月遙想訪舊秦淮久辭歌管
剩有波千折繡幕珠簾寒不捲總被暮笳吹徹欲問

遺宮層層衰草誰向游人說白雲梯在著鞭應上天
闕

史惟圓字雲臣宜興人有蝶庵詞二卷

河瀆神

照水月娟娟小姑妝鏡初懸碧桃花發繡簾前殘香
猶裊斜煙霧濕旌竿鈴帶重隔雲神女相送繡袂
天風吹動凌波歸去如夢

陳履端字求夏宜興人檢討維崧子有纍餘詞一

卷

西江月秋月

孔雀屏邊篆細鴛鴦瓦上霜輕小樓單枕夢難成閒
數一簾疎影人到秋來較瘦夢隨人去無憑知他
今夜酒微醒臥對涼蟾清冷

臨江仙夏景

梅子纔黃新雨足衫裁白苧涼生一灣流水澁紋平
荷香浮野渚檻外暮山橫隔院有人歌水調蟬聲
攪碎歌聲荳花茗葉十分清水晶簾半捲新月浸桃
笙

朱昆田字文益秀水人監生檢討彝尊子

一枝花送沈融谷宰來賓

小雨沙頭店風埽濕雲齊斂殘星猶挂樹四三點已
是離人怎得離愁減萬里關河險過亂石重難尖峯
漸露如劍蠻女銅釵燄比似西眉南臉山童爭喝
馬翠旗颭幾笏書齋定有新詞艷荔子輕紅染更椰
白蕉黃漫憶柘湖菱芡

葉尋源字硯孫江南華亭人有玉壺詞一卷

浪淘沙

樓上曉風殘香燼燈闌月華淡襯露華寒幾曲雲屏
遮不住夢裏吳山睡醒凭欄千天外鴻單西洲人
去幾時還簾外一枝花影動門掩雙鑲

徐履忱字孚若崑山人

滿江紅過夏太常賜筵

石馬金輿傷心事百年如昨閒登眺殘碑斷表還依
佛閣千箇琅玕春粉散一簾風雨松濤落日攜朋閒
坐九龍墩同盤礴書畫好尊彝錯恩寵盛君臣樂
歎滄桑劫火誅求谿壑鄉里粗能知故老兒孫無計
安耕鑿總歸來難識舊江山遼東鶴

岳

驥字千里宜興人

小重山

古寺寒林綴晚鷗南溪排雁陣下平沙牛羊歸去夕

陽斜漁歌緩短棹沒蘆花
沾酒到西家朔風初作
雪暈微霞忽聞商女撥琵琶
含情望江上暮雲遮

顧彩字天石無錫人

御帶花

長亭芳草離人處讀徧荆榛碑碣風邨雨店正詩魂
愁老酒狂翻熱知否滿頭華髮意可堪淒絕絕垂鞭去
有人喚馬向柳條頻折嘗盡天涯羈旅味不願今
生更言離別朱顏彫謝有千種風情對誰明說薄薄
青衫多付與淚痕沾濕倩山館杜鵑啼後問五更殘
月

鄭景會字慕韓慈谿人寓居錢塘諸生

憶王孫芳草

萋萋芳草遍江痕一望江南一斷魂處處殘紅點綠
茵怨王孫故苑依然長舊痕

范纘字武功江南華亭人監生以孫械士贈監

察御史有四香樓詞鈔三卷

蝶戀花

狼籍梨花飄冷雨月上牆頭深夜無人語尋到碧窗
塵鎖處簫聲一陣風吹去倚徧橫闌無意緒百蝶
春衫淚濕黃金縷嗷嗷寒雞啼不住曉星移上西泠

樹

周禹吉字敷文錢唐人有青籬詞一卷

搗練子

青雀舫錦雲帆小泊河橋酒半酣人在煙波雲水外
杏花風雨濕春衫

姚景崇字翊唐奉天人官

縣知縣

摸魚兒 客夜有懷

聽蕭蕭一宵秋雨井梧聲遞庭院孤燈黯淡明還滅
引動旅愁千轉思幾遍更說甚香攜滿袖南薰殿長
安近遠漫屈指程途蒼茫烟水依約夢魂見 猛回
首嘹唳南飛征雁多應惜我歸晚峻嶒傲骨原如故
添得淒清無限難自遣問何日輕衫匹馬隨書劍殘
更點點正宿酒初醒披衣強起又是曉鐘斷

湯豹處字雨七吳江人

玉樓春

人在鬱金堂上住簾幙影交連理樹玉盆薇露淨如
空寶鼎蘭烟濃似霧 薄倖不來春欲暮情託子規
聲裏訴個儂清減似梨花香雪一枝嬌帶露

鮑夔生字□□休寧人

滿庭芳 贈蘅圃

紅藕莊詞紫端溪硯鼠鬚蠶繭鬆鮮舊中山野泉石
費留連翠羽名花逼坐麴波淨幾點荷錢多應喚蘋
雲按拍低度綠尊前誰憐遊倦客江樓夜雨把卷
脩然脫敝裘沽酒聽盡啼鶻重想燕臺浪跡玉河畔
細數當年還看取仙郎珥筆題柱蚤名傳

李錢琇字

嘉興人

無俗念題紅藕莊詞

細雨孤篷喜新詞讀罷頓消離緒長短亭邊南北路
都是斷腸題句白石風流玉田標格此外誰堪伍情
懷常在烟波一片深處只合付與紅兒香櫻宛轉
歷歷尊前度翻恐征人聽未得歌板更添淒楚雁底
新愁鶯時別恨憔悴傷春暮藕莊歸也田田綠意重
賦

李伍漢

字半谷臨川人諸生有李半谷先生詩集

一卷詞附

虞美人集調名

離亭燕別梅花落霜天聞曉角謝池春好意難忘遮
莫長拋多麗醉紅妝鶯啼似把衷情訴聲聲芳草
渡愁心遙寄渡江雲長是最高樓上憶王孫

金

張字介山錢唐人諸生

菩薩蠻

清明纔過稀花朵寒生惻惻重綿裏柳外雨濛濛人
家綠水中黏天芳草路沒箇歌船住燕子濕烏衣
銜泥何處歸

柴際溶字雨蒼錢唐人

浪淘沙

殘蠟閃餘光影怯空床暗風吹雨過紗窗剩枕閒衾
都是淚誰要思量花徑捉迷藏月照迴廊水晶簾
下看梳妝惆悵舊歡無覓處雲鎖巫陽

曹

霖字掌霖安邱人

金明池題金陵覽古詩卷後

絮帽穿花雨襟問渡踏徧烏衣巷陌歎此地閱人多
矣夕陽裏何限陳跡任閒吟斷粉零香早十幅蠻牋
怨紅愁碧漫凝想當年銀床金井一片臙脂痕濕
我亦飄零江南客便玉樹歌聲怕教聽得青溪岸荒
苔露草桃葉渡冷烟寒日悵平湖春水茫茫問甚處
曾窺脫娘顏色且小拍紅牙將君法曲譜入一枝橫
笛

顧仲清字咸三嘉興人監生有喝月詞一卷

秦樓月

愁難說樓頭目送江頭楫江頭楫水天盡處夢魂飛
越暮雲唱斷菱歌闋空閨愁對天涯月天涯月從
郎一去幾回圓缺

沈

渭字鴻舉錢唐人有處囊集一卷詞附

浪淘沙留別

別酒冷還溫淚滿芳樽簷前紅紫落紛紛風雨送將
春去也兼送行人楊柳覆橋新橋下舟橫不須分
手已銷魂料得相思同皓月今夜黃昏

李長苞字竹西嘉興人

少年遊秋砧

戍樓急鼓少人行高樹掛殘星纔咽寒蛩竹燈深處
秋杵兩三聲征衣頻記霜華冷心急翦刀輕五夜
啼鴉一行征雁同做許多情

孔傳誌字西銘曲阜人有清濤詞二卷

相見歡

曲屏雨過微涼自生香今夜簾紋螢影似瀟湘銀
露冷池荷靜睡鴛鴦誰伴月明如晝有啼螿

愁倚欄令

層樓外是青山莫凭欄望見行人從此去幾時還
時候柳綠花繁都付與愁閒夢閒待得愁消和夢醒

又春殘

雷維馨字吟壑青浦人

望江南青溪卽事

探芳信雨霽緊東風北郭人遊梅雪墮東臯漁泊柳
烟濃詩思夕陽中

又

尋春去好趁冶遊天真淨庵邊芳草路生春堂外菜
花田流水小橋邊

金長輿字虎文仁和人

點絳脣春暮

一抹輕煙春雲黯澹連平楚斷山零浦盡是愁來路
展轉思量沒箇安排處天涯暮落花無主幾點黃

昏雨

金標字成冶錢唐人監生有偶鳴集詞一卷

踏莎行秋江

露草垂黃霜楓散綺波流浩渺烟光紫魚龍隱現戲
濤心乘風快意騰千里一碧平鋪萬峯倒峙輕鴻
漠漠飛還止江天淡蕩畫難成漁舟遙唱秋陰裏

周珂字越石嘉善人諸生

望江南南江行

江聲咽暝色走寒沙水底青天銜落日天邊綠樹挂
殘霞隔浦一帆斜西風老飄泊在天涯數點啼鳥
驚落葉扁舟明月載蘆花今夜宿誰家

周

霽字雨疇錢唐人諸生有稽古林遺稿一卷

詞附

浣溪沙 山行

古木叢叢路幾重支筇欲上最高峯好花飛作暎山
紅遙聽前溪流水急徐徐風起響青松日斜林外
一聲鐘

如夢令

不見花飛何處早見綠楊飄絮簾外午風斜枝上鶯
啼不住春去春去整頓竹床清暑

丁

灤字素涵仁和人青桂堂集

相見歡 湖上偶見

輕風吹動羅裙水邊人堪恨湖波如鏡不留春 臨
欲去還又住儘消魂願作路傍柳絮逐香輪

卓允基字次厚武康人

賀新郎

寂寂重門閉鎮黃昏懶挑蘭炷半閒鴛被萬點瀟瀟
無情雨時向紗窗飛墜恰也似伴人愁淚誰說春宵

屠文漪十五首

青浦 王昶 纂

徐瑤四首

屠宸楨四首

沈永令一首

方炳一首

周稚廉二首

柯炳一首

張欽明一首

周稚炳一首

潘睿隆一首

王宗蔚一首

潘雲赤一首

陳仲永一首

柴震一首

孫序皇一首

徐昌薇一首

倪濂一首

章士麟一首

吳貫勉一首

徐懷仁一首

高宗元一首

俞美英一首

楊之順一首

黃千人一首

施鑒一首

錢來修一首

錢璜一首

屠文漪字連水婁縣人諸生有詩餘草二卷

臨江仙荷花用屯田體

洛水汀微步愛窺青鏡未卸紅裝隱飛蓋亭亭占斷
清涼悠颺向蘋風裏蘅臯畔一笑生香應須問遇賦

騷才子子許否同裳 端詳嬌容帶酒還似偷顧鴛鴦
惹芳心鎮苦愁緒偏長匆忙早蘭舟去吳歌遠分背
迴塘渾無奈又幾聲疎雨閣淚盈眶

浣溪沙

上巳纔過春又闌雨絲飄盡燕飛還碧牕簾幕捲輕
寒 濁酒欲邀今夜月小屏空對舊時山鎮長岑寂
恨漫漫

蘇幕遮 三月既望與子隣遲月得雨限韻

柳啼烏梁宿燕細雨和愁吹到閑庭院酒罷垂簾人
正倦天闊雲寒淚掩嬌娥面 楚宮情巫嶺怨此夜
淒涼夢也無由見暈結燈花紅一片香潤微烟舊事
思量遍

虞美人 秋閨迴文

香肌玉減消脂粉被擁長更恨黛凝波斂醉還醒
酒翠鬟雙鞞亂雲輕 孤鸞鏡對山屏畫月皎烏啼
夜碧窗烟鎖夢成空往事鳳衫羅羅染淚痕重

又

新寒惹砌鳴蛩亂夜夜人愁慣露輕風細雁來初向
寄萬千情字一緘書 花紅暈燭銀屏背寂寂紗窗
閑澹烟沉水在香篝掩帳待誰和月望清秋

齊天樂 梅花

餘寒未覺花期近，梅梢乍驚春透。溪岸冰澌，山窗月上，次第玉人妝就。相看似舊，儘半面欹斜，十分清瘦。斷夢重尋，酒家還共一樽否。何郎幽興未減，對桂牙幾樹，常倚吟袖。忍冷頻看，憐芳小折，肯待滿枝青豆。殘蟾斷漏，想疎影風前，涼香霜後。別恨江南角聲，誰更奏。

又 蟬

千年未了青娥恨，淒淒斷魂重訴。屋角吟烟，枝頭喚月，空歷幾番朝暮。齊臺甚處，但衣翦冰綃，鬢翻雲縷。一樹無情，背人哽咽過牆去。西風涼意自好，奈清商更奏琴韻，偏苦瘦。不禁秋嬌，還抱影憑仗，綠陰深護。多愁倦語，又敗葉催歸，蛻仙無據。尚憶初逢小園梅熟雨。

又 螢

一番梅雨池塘暮，輕輝傍林初見。映水偏稠，隨風試起，認得舊年庭院。低迷醉眼，正乍滅銀釭，倦開書卷。忽憶娉婷，那時梧井弄紈扇。紗幮涼夢又醒，捲簾還細數，花下星點。夕露生涯，晚烟滋味，莫漫替他愁怨。蕪城故苑，想大業繁華也，成飛電。且喜清光向人。

時近遠

摸魚兒 沈子宸階招飲吳氏園亭賦此

正無聊桂簾蛩砌吟涼自對殘雨沾來酒薄猶餘恨
不道醉君芳醕杯乍舉便劇飲淋浪那計歸時路闌
干日暮喜淺沼盈盈殘荷蔌蔌尚有暗香度 移燈
後驚看婆娑起舞休文興會如許還因客舍重留客
却唱渭城詩句心記取縱不是陽關豈忍分襟去持
觴更住任織柳烟昏籠雲月轉衣濕夜深露

桂枝香 蟹

荒烟野渡正綠颭浪花紅醉霜樹依約蘆根織落岸
傍籠炬萍蹤郭索西風裏認前村夜遊偏誤斷腸都
盡蠶筐漫好紺螯誰護 乍喜伴雲窗菊醕又燭炮
盃殘人意淒楚應念柔葱擘罷舊牽情處相看慣作
經年別遣愁懷浪拈琴譜問伊今後橙黃時節定重
逢否

綺羅香 茉莉

綽約飛瓊娉婷小玉天外炎州曾遇蠻客攜來一舸
亂香飄路將雪綴薄暑林園引月到晚涼庭戶却憐
他壓架荼蘼冰魂無賴逐春去 江東秋信恁早還
怕輕盈翠袖難勝風露萬里鄉關多少舊時情緒臨

寶檻粉面斜欹記珠孃綵絲微度黯銷凝一點芳心
夜闌誰共語

解連環 秋海棠

暈霞酥臉愛天然斌媚笑輕顰淺乍弄影欲度香堦
便彷彿春前似曾相見誰誤佳期到冷落清秋庭院
却多情與慰舊日羅郎惜花心眼 風流錦江未遠
更深深步障綠綃低掩想瘦怯不耐新寒也似帶春
醒睡妝嬌軟夢阻唐宮但夜雨暗蛩啼怨怕明朝碧
苔又綴褪紅幾點

六么令 送王徽溪

柳梢寒緊未有青堪折風前贈行心緒對景成嗚咽
回首二年舊事忍向而今說扁舟如葉嚴裝辦了只
待潮平冒晨發 遙想輕帆挂處申浦涵空闊屈指
甚日歸來曾約清明節記取桐華放後不是多時別
也應愁絕小梅庭館冷殺春宵這番月

南歌子 題王徽溪行樂圖

峭石粘蒼蘚長松蔭紫芝先生野服出尋詩正是菊
花天氣好秋時 蠅拂閒須把棕鞋穩更宜身強那
用古藤枝不道山僮多事却相隨

邁陂塘 題陸萼亭小照

是誰將玉山瓊樹毫端圖畫偏似香街未要斑駁控
且愛小園吟憩欄檻外看翦得紅芳一段耶溪水蘋
波細起正羽蓋亭亭霞裳冉冉漾影照姝麗 徜徉
處過雨蒼苔滿地桐陰何限清致掩書餘味胸中在
長日坐來凝思情賞寄况更有君家綠醕平生契風
流自喜問銷盡爐烟一杯緩酌須到幾時醉

屠宸楨

字周士青浦人諸生有醉經草堂詩稿詞

附

滿江紅新燕次王浩東韻

舊壘重尋偏記得年時風景欄檻外綠楊絲軟露桃
香冷久別未安香夢穩乍來猶怯重簾影甚妝臺芳
信覓天涯還思省 華屋夢悲俄頃風幕計愁驚醒
見烏衣巷陌紫駱馳騁翦水春池分縠浪銜花夜月
翻苔井更呢喃絮語笑征鴻同飄梗

又虎邱感舊次王浩東韻

山寺春遊曾可是一年一度還記得鐫題蘚石繫船
堤樹曲檻春燈憑賞遍小桃朱戶思量處憶相逢明
月可中亭閒心緒 青鸞信今無據生公石空延佇
聽啼鶻切切勸春歸去竹葉醉沽吳苑月柳花泣弔
秦樓女怕情傷莫問少年游鶯花侶

疎影梅影

空庭人靜悄寒枝瀟灑蟾魄交映暗貼香階隱約紗
窗漫引酒情詩興依稀已見扶疎樣但未識芳顏花
性情何人說與天涯滿地霜條難贈 正怯春寒才
穩怪東風又起還是不定酒醒黃昏看足香痕好夢
羅浮重省有時烟月朦朧處更別是一般清景想玉
人惆悵深閨應也畫欄愁凭

惜紅衣落花用白石韻

雲綻長天草薰斜日落紅無力檢束春光堆烟柳絲
碧旗亭水榭早興減酒人詩客幽寂芳砌綠陰鎖重
簾消息 重來綺陌可有遺鈿殘香共狼籍賸粉零
脂凝怨畫欄北甚處亭臺花月記得幾回游歷笑絳
幡難護二十四番風色

徐 瑤字天璧荆溪人有離墨詞二卷

狄立人云天璧才擅衆長詞不一格或瑰
瑋如夢窗或清勁如白石或綺麗婉約如
美成少游

惜紅衣擬夢窗詞

雲母屏前相妃簾後晚寒慵繡驀地傷心修蛾一痕
皺閒堦軟步曾乍遇悄攜纖手波溜無語暗憐為新

來消瘦 香雲散久玉碎花萎春情已非舊惟教驗
取羅袖盡湮透待寫別來愁思寄與斷魂知否問甚
時還許十二玉樓重叩尤展成云悄悄迷離得神光
掩映之妙

南樓令 牆外梅花一樹可望而不可即因憶去

年家園情事堪念感賦

官閣漫俄延梅痕一樹偏隔銀牆長鎖春寒惟有暗
香留不住時裊裊落簷前 望處思凄然風光憶去
年折斜枝替插雲鬟今日異鄉花儘好爭得似故園
看

瑤花茶蘼

東君老矣鴟鴞聲中正棟花風急園林綠滿把一晌
花事今番多歇後塵誰殿蚤開到荼蘼香圻胥半廊
粉面霓裳慣抓玉釵堪惜 思量原自差池怪不合
春初故輕擲瓊葩淡豔飛遍處縱憶也應無及憑誰
嘗取時領略琉璃新碧更得他香夢成時說與離人
消息

又薔薇

石家錦帳慣向殘春倍綠嬌紅嫩巢雲閣外記壓架
顚顚鈿痕愁褪穿簾新燕啄花瓣輸他輕俊摘幾枝

釀露煎香送與曉妝添暈
分明月榭雲軒俏匿笑
花叢兩兩低趁紅絲惹刺鬢影側越顯雅孃風韻十
年情事將舊夢翻成春恨糝一堆珠淚盈盈還是當
年香粉

方 炳字文虎會稽人

鷓鴣天

玉臂胭脂繫絳紗驪駒一曲不思家
晝長應學三眠柳夜靜羞看百合花
春易老月多斜行雲無夢到
天涯夢中識路知何益流水孤村只暮鴉

沈永令 字聞人秀水人貢生

離亭燕 龍門

誰把飛流橫瀉秦晉一絲分界翠壁鑿痕千仞立萬
里銀濤天挂隔岸倚危樓掩映琳宮紅榭 幾朵雪
花輕灑百尺冰橋高跨隴樹泚雲何處是惟有蓮峯
太華遙望夕陽鬬片片輕帆東下

柯 炳字緯昭嘉善人有月波詞

浣溪沙

雨冷風寒深閉門小闌花徑欲黃昏
銅壺初滴漏聲沈 翠幌不堪燈伴影綺樓只有燕依人一襟幽思
向誰論

周稚廉字冰持婁縣人有容居詞一卷

相見懽

小鬟衫着輕羅髮如螺睡起釵偏髻倒喚娘梳
心事春前景悶中過打疊閑情別緒教鸚哥

謁金門

風屑屑吹冷一簾新月深苑薔薇和影折兜羃紅刺
密昨夜露濃苔滑早又淺花濃葉閒倚紅窗尋綠
蝶犀簾銀蒜揭

周稚炳字懷蓼江南華亭人貢生有瓊靡詞一卷

踏莎行

一盞寒燈撩人意緒含情更惱龍涎氣朦朧月向別
家圓有情天也還如醉 嬾描鴛枕慵溫翠被悶來
不管和衣睡一場好夢帶人來醒時憶卻無頭尾

張欽明字文安嘉定人諸生有小隱庵詩鈔二卷

詞附

蝶戀花 夏日闌居寄魯澹庵

榴徑殘紅閒不掃嬾捲湘簾留得爐烟裊那覓知音
琴獨抱消愁只合清樽倒 草長空庭人不到天末
停雲兩地相思悄一枕北窗喧夢覺聲聲待把鳴蟬
惱

王宗蔚字竦文江南華亭人

臨江仙

門外新潮催桂楫鳳笙初送斜陽野雲何處隔瀟湘
翠鬟籠霧重芳草帶愁長紅葉不傳青女信誤人
連夜橫塘錦帆飛雁影茫茫一燈雙浦月孤枕五湖
霜

潘睿隆字聖階錢唐人

浪淘沙

湖心亭楊柳

柳色漸舒青恰喜初晴凌波微步見傾城玉笛銀箏
聽未了又聽流鶯飛絮太無情隔水盈盈漫天遍
地可憐生捲得楊花渾似雪春不分明

陳仲永字昌期海寧人

點絳脣

憶舊

十四樓東不知多少關情事尋常相對翠袖沾紅淚
重到朱門落照烟橫翠真難記青驄曾繫弱柳空
垂地

潘雲赤字夏珠錢唐人有桐魚詞

蘇幕遮

五更初三月暮牕內人愁牕外風吹雨惆悵落花誰
作主杜宇無聲已到消魂處夢難憑情怎訴脈脈

幽歡祇恁輕孤負金鴨香消人獨語烟樹江邨屏上
相思路

孫序皇字子黃嘉善人

朝中措宮詞

霓裳一曲淚痕消往事寄檀槽恨却東風薄倖依然
春在花梢碧欄干外閒尋舊侶共話前朝一樣漢
宮草木秋來獨見芭蕉

柴震字尺階錢唐人

更漏子閨夜

麝烟微蟬影瀉樓上晚妝初卸釵翠滑鬢雲鬆月移
花影重漏無聲鶯未語睡熟銀屏深處芳草徑馬
蹄塵夢回還當真

倪濂字公介仁和人無園集一卷詞附

青玉案題澄江女子桃花燕子畫扇

天涯極目長干路綠徧多情芳草渡樓外斜陽空日
暮幾回羞見香酣翠軟瘦影聯翩處花深夢遠無
憑據一任春來愁裏住畫得斷腸腸斷句脂嬌粉膩
臉痕眉暈點滴成紅雨

徐昌薇字紫疑錢唐人有春暉詞一卷

蝶戀花

長日茫茫飛柳絮池館淒涼獨自閒凝竚枝上杜鵑啼不住夕陽影裏微微雨簾外春山山外樹一望青青迷却天涯路多少閒愁無可訴却看雙燕啣花舞

吳貫勉字尊五江甯人諸生有秋屏詞一卷

長亭怨送春

荏苒過三春風雨剛遇晴朝又驚春去萬疊雲山可能遮斷去時路歲華流轉偏喚起閒情緒客久倦天涯怎還被鶯花留住延佇看成團粉蝶尚自采香南浦旗亭折柳能幾日暗塵飛絮惹樓上怨綠愁紅最難過今番淒楚怕晝暖初長倦睡不成朝暮

章士騏字玉書錢唐人

醜奴兒令答別沈柳亭

梧桐滴盡蕭蕭雨瘦過年時恨過年時秋色平分各自知相逢怪道匆匆別雁影遲遲蟾影遲遲又耐離人一夜思

高宗元字伯陽錢唐人有愚亭詞二卷

菩薩蠻暮春

綠楊枝上吹晴雪啼鶉聲裏青春歇明月小簾籠佳期似夢中妝成無限意畫出眉痕細獨自莫憑闌

飛花做晚寒

徐懷仁字元仲嘉興人有柘南詞草一卷

法曲獻仙音

燕語鶯啼杏花時節不盡絲絲烟雨惱破春情窺殘
春意心懷了無憑據況睡起繡帷外垂楊幾千縷
奈何許問妝臺玉釵無主正欲斷吟魂子規啼住芳
草外斜陽遮亂雲殘靄無數小疊紅牋是多少情共
春去待受些暗冷瀉入恨詞愁句

楊之順字景唐錢唐人

踏莎行

紅葉重簾黃花深院傳情猶記回嬌眼夕陽樓上倚
朱闌西風吹冷胭脂面鏡影分鸞釵梁拆燕何時
得與重相見除非夢裏好相逢醒來依舊天涯遠

俞美英字敷伯錢唐人

憶秦娥

風淅淅秋原一望驚魂魄驚魂寒烟蔓草暮天凝
碧山頭欲落西風日山前欲覓前朝跡前朝跡烏
啼衰柳馬嘶殘驛

施鑒字况清嘉興人

天仙子秋闈

蛩聲填出離人譜斜日垂簾紅一縷爲誰收拾上眉
尖無人處深深語天涯往事難重數 一片秋蟾林
額吐不道歸期今又誤晚雲陣陣捲愁來閒庭宇黃
昏雨燭花照夢誰爲主

黃千人字證孫餘姚人官泰安縣縣丞有竹浦稼

翁詞一卷

麥秀兩岐田家四月詞

茆舍濃陰複高矮圍新竹蜜分房蠶上簇已過迦文
浴摘來倭豆盈筐剝休誇梁肉 臯上閒驅犢藉草
當裊稔麥全黃秧正綠播種期忙促婦鳩喚雨田田
蓄一犁剛足蠶豆一名倭豆

錢璜字右玉錢唐人監生

訴衷情閨晚

晚來斜倚玉床前風過鬢雲偏攜琴欲彈還罷橫抱
不成眠 情脈脈恨綿綿淚涓涓紗窗月冷羅帳燈
昏沒個人憐

錢來修字幼昆仁和人

小重山春閨

銀蒜低垂紫玉鈎鴛鴦春睡暖燭光浮催花風急燕
聲柔青鬢亂斜墮玉搔頭 密意鎖雙眸別離猶未

說淚先流博山香裊畫屏幽分手處樓外晚雲稠

珍傲宋版印

國朝詞綜卷十八

國朝詞綜卷十九

青浦 王昶 纂

許田十六首

查慎行四首

張大受一首

戴錡五首

毛成肅一首

沙張白一首

林之松一首

顧景文一首

鄭培一首

金惟駿一首

葉之溶一首

華宗鈺三首

沈時棟一首

程庭一首

陳崆二首

吳思一首

邵崐三首

秦道然一首

許

田字莘野錢唐人康熙四十二年進士官高

縣知縣有屏山春夢詞二卷水痕詞一卷

屏山詞話一卷

劉廷璣云詞家三昧全以不着迹象為佳

余最愛莘野解語花結句漾花梢一朵行

雲化水痕難覓其妙處在離卽之間

如夢令

春夜小樓寒重花插膽瓶香凍燭淚串紅珠透入月
痕窗縫如夢如夢如夢何處曉鐘吹送

又

椒閣杏梁春好密態餘嬌人小珍簾玉花紋帳掩威
蕤香裊窗曉窗曉枕畔墮釵聲悄

調笑令

紅袖紅袖記否玉樓垂手花顏旖旎生香秋水明眸
斷腸腸斷腸斷衣上濕痕猶苦

烏夜啼

清明小雨如絲姊歸啼不道落紅如許踏成泥 塔
影濕樹陰碧倚樓時細細一灣流水曲通池

浣溪沙 雨中寒食

春漲平如瀉碧油冥冥烟雨隱歸舟綠楊城郭水邊
樓 墓上棠梨疑有淚樹頭鶗鴂豈無愁風催冷節

自醜醜

采桑子

縷金繡帶同心結繫在羅裙穩稱腰身驀過花陰不
動塵 來禽枝上驚黃語聽得銷魂又近斜曛燕子

歸時蚤閉門

小重山

百轉新鶯在柳梢杏花嬌欲語映輕綃銀塘東畔赤
欄橋尋芳去女伴記曾邀 扶袖上蘭橈臨波爭照

影儘妖嬈休將閒事故相嘲纔一笑雙頰上紅潮

蝶戀花

底事催花風太妬鶯也銷魂啼向花濃處春在柳梢
能幾許青青露眼含朝雨濕重游絲低著樹綰住
春愁不放愁歸去燕子乍穿簾幙舞小屏山上迎人
語

八聲甘州 春閨

近池塘人立紫苔階無言弄紅衿看斜橫鳳味眉勻
螺子粉頰渦深語鳥喚回午枕殘夢自關心百箇裙
邊蝶費了泥金羞殺舞風絲柳記反腰貼地席上
銜簪喜香櫻微綻葉底和雛禽憶幽期醉醺開後悞
幾番偷向月中尋愁如織擲今宵裏擁定羅衾

法曲獻仙音 夏夜

露濕團荷雨敲湘竹向晚涼生庭牖抹厲香浮強瞿
花吐晶簾玉人垂手喜兔魄將生候清光又微透
怎消受拂琉璃簾紋如水羅帳薄衾畔冷波欲溜粉
筵好輕搖怕螢光照人消瘦鵲駕無憑記黃姑佳會
將又聽紅蕉砌下促織亂催殘漏

一枝春 旅懷用周草窗韻

賸綠零紅漸春盡斷送幾宵風雨畫簾試捲惹起羈

人愁緒輕暗，淺冷怕著。莫鼠姑眉嬾，還記得同是荒
城淚滴。桃笙塵聚，閒凭曲闌幽處，悄茶烟颺鬢飄。
來微縷，紅牙按拍，翻取舊填歌譜。催歸謝豹，鎮忘却
柳嫌花妬，好拊擋青翰歸橈。榜人夜語。

揚州慢 卅溝懷古

隋苑春殘，蜀岡花落，枉教人怨鶯啼。泛紅橋十里，又
碧草萋萋。迷料何遜題詩去，後暗香都盡，橫玉休吹。最
銷魂、清夜雷塘，幾個螢飛。寂寞如此，似當年佳麗
應稀。羨倡條冶葉，青樓翠幕，書記忘歸。一片野雲吹
散，渾如夢付與斜暉。只沿隄楊柳，長條依舊，絲絲

東風第一枝 湯溪寓感

穀雨時光，荼蘼夢境，昏昏全沒。情緒門茶初試，青旗
拆棉漸尋，白紵山城蝸角。怎覓個好春濃處，忽記起
一樹辛夷，香玉壓枝，嫩汝。雲葉吐玉環，衣縷山影
動。謝娘眉嬾，半庭翠幄，遮簾幾陣。絮毬傍路，剛逢三
五照。羈客清輝，何苦約畧在春後。春前人逐，棟花風
去。

水龍吟 清明

乍濃乍淡，烟光曉籠，芳草迷香陌。微微潑潑，火家家插
柳東風無力，白打球場，紅簫錫市，踏青人密。看綠楊

影裏秋千架上輕翻起裙千摺 又向南塘東去聽
鶯簧幾聲嬌澁玉鞭策騎銀罌瀉酒繁華如昔舊燕
尋巢穿花蘸水杏梁雙立把閒愁拚擋歌樓買笑倩
紅牙拍

暗香 夜雨

晚江初黑漸一片輕雲縹青紆白密密濛濛不見星
光透蓬隙瞥爾搓酥拏絮儘一夜羈人落魄擁孤衾
鄉夢難成頻把玉蟲剔 淒絕是何夕近上巳清明
前裙時節春波拍拍夜半歸漁撼橫笛料得明朝新
霽正研就銀羅千尺花謝也到處有粉香狼藉

解語花 偶見

鴨頭波淨燕尾沙橫入坐磯邊石黛眉脩碧却好有
一樹絲楊遮額粉裙風揭剛小露髻兒雙窄擊青瑤
玉腕冰紗問比來誰白 記取那年歡席有蟲娘似
否醉聽歌拍閒愁會積思量起素體橫陳薺澤多情
過客空費汝星眸小擲漾花稍一朵行雲化水痕難
覓

查慎行

字夏重號初白海寧人康熙四十二年進士官編修有餘波詞二卷

臺城路 秋聲

商飈瑟瑟涼生候孤燈影搖窗戶堤柳行疎井梧葉
盡添灑芭蕉片雨纔聽又住正澹月朦朧微雲來去
款款空廊有人還傍繡簾語 多因枕上無寐纔二
十五更殘點頻誤響玉池邊穿鍼樓畔一派難分竹
樹零礎斷杵更空外飛來攪成淒楚別樣關心天涯
驚倦旅

臨江仙 平望驛

兩岸孤蒲聞笑語人家只隔輕烟銀魚曉市上來鮮
一湖鶯脰水雙攜燕梢船 屈指郵亭剛第一眼中
長路三千南風吹夢到江天故鄉桑苧外無此好山
川

木蘭花慢 七夕江口舟中作

晚程西冕路深崦裏著扁舟看薄霧成雲片雲成雨
一雨成秋推篷坐聽餘滴漸輝輝紅日下蘆洲似磬
涼蟬到耳如梳新月當頭白香山詩巴蟬聲如磬
灘聲東瀉火西流佳節客難酬憶貫酒湖亭曝衣村
巷吹笛江樓孤萍近來蹤跡擬乘查碧落問牽牛獨
夜飛飛烏鵲五溪渺渺鳧鷖鷗

念奴嬌 贈別碧紋錄事

尋春較晚人都笑小杜舊時光景曲港橋通門啓處

翠柳紅薇交映喚起梳頭慊慊猶帶中酒催花病有心絳蠟夜闌留照雙影 却是我未成名匆匆輕別了翻嫌薄倖此意沉吟行復住不爲石尤風緊明日回頭離烟恨水多少愁人境問重來約可寧莫似瓶井李嶠詩消息似瓶井

張大受 字日容嘉定人康熙四十八年進士官檢討有匠門書屋詞一卷

風中柳題魏水村詞

水調誰歌惹起閑愁千縷况天涯蠻烟瘴雨子規枝上道不如歸去待歸來蒼茫何處 翦去生綃賸寫江鄉風趣空孤負年時鷗鷺紅牙銀管最撩人酸楚休更憶小紅低語

戴 鏞 字坤釜嘉興人監生有魚計莊詞一卷

朱竹垞云坤釜自休寧來從余遊其詞務去陳言謝朝華而啓夕秀蓋兼南北宋之長者

掃花游贈李畊客先生時將之白下

曉風殘月問江北江南誰誇林藪未邊白叟任千里關山儘多漁友荷鍾鳴榔鎮日評花賭酒倦來後愛空巷新村秦七黃九 詩句未脫口蚤鬩鬩吟成蠻

賤鈔又臨溪剪韭正商量澗壑無過三晦怎奈西風
催促孤雲出岫斷橋柳亂鳴鷗離人去否

摸魚兒 秋田新居

傍鷗邊白蘋無數流雲未許遮斷柴門恰坐清溪上
更喜蘆花齊岸烟弄晚有遠近漁燈點點平沙亂松
高柳短料石塢茅堂酒壚茶竈貼水醮陰慣 村南
外淡淡兩山峯遠隨他晴雨分半憑溪添箇玲瓏閣
好把山根看遍臨眺懶借舫上詩翁共作春風伴與
剩舫相對晨牕書館正白雪調絃烏絲疊句谷鳥一
聲喚

江城子 客當湖枕上偶成

日移花影兩三重淡和濃上簾櫳爭鬧園林紫蝶並
黃蜂有個人兒心上事無處說怨春風 青山坐在
可憐中水溶溶草茸茸都是無情不比別時同一寸
柔腸千萬恨春去也鎖眉峯

東風第一枝

柳鎖柔風花翻細雨黃昏閣上疎影思量雪裏尋香
生怕肌侵較冷冷枝南枝北最好處修篁斜映怪世間
兒女多情調入笛聲休聽 妝未罷片紅落鏡魂欲
去么禽喚醒春歸放盡孤山暖至開先庾嶺芒屨竹

杖消不得閒
牕幽靜恐樹樹綠遍溪頭
又是一番風景

百字令竹垞夫子命題竹垞圖

日趁飄影被秋風吹動
抽簪歸老紫陌銅街游已倦
爭似梅花溪好嫩竹千竿
方池半畝綠遍王孫草清
陰如舊軟紅塵去多少
分付徑剪蓬蒿牆芟薜荔
放與銀蟾照况有圖書三萬軸
蠹字乾魚齊掃雙調
彈箏幾回顧曲酒榼宜頻倒
小梯橫閣六峯點點林杪

毛成肅字孝則太倉人有宛坻遺稿一卷詞附

木蘭花慢聽雨

聽簷聲不斷背燈影正凄然
悵月黑風尖更深漏永
一夜潺湲鴛鴦枕鳳衾自擁
洒空庭此際悵無眠
瑞腦薰爐香潤湘簾不卷生寒
雲邊漠漠盡愁天
離夢有誰圓
想冷落巫山
淒迷眉黛十二峯間
分將霖鈴餘響惜香囊
暗濕幾何年
觸起滿懷情緒
心頭滴碎塔前

沙張白字介臣江陰人

好事近聞笛

喚起百千愁
樓外數聲長笛
一闕關山古調
落三更

殘月參橫猶自不成眠餘響聽嗚咽片片梅花飛
絮點鬢毛成雪

林之松字葱木太平人諸生

念奴嬌

西郊閒步曉漫漫滿眼空山煙霧一徑雨餘蒼蘚滑
都被沙鷗占處柳帶青顰桃含紅淚難欸流年住萋
萋芳草王孫應怨遲暮 記同隔歲尋春人家寒食
愁絕應無數花被子規啼更落引起傷春情緒修竹
閒廊夕陽蕭寺極目村前路章臺絮影東風盡日飛
去

顧景文字景行無錫人

桂枝香 香眉亭看桂

小山橫簇看淡日烘雲堆滿金粟閒倚青紅亭院晴
飄輕馥深叢占斷三秋景倒芳樽紅傾千斛零蟬猶
咽啼螿乍起晚風搖綠 更旖旎睡魂初足共兔影
蟾光一生相逐袖滿天香肯把翠眉微蹙紅牙小板
涼州管且偷翻桂枝新曲露濃人悄玉京吹下向花
間宿

鄭培字文溪秀水人有苧西詞一卷

解連環同柘西再送子韶

翠箋題徧悵離亭酒盡夕陽遮面忍復見馬首蕭蕭
但衰柳亂鴉短衣長劍月冷銀河正凍合桑乾一片
記年時歷歷霜燈雨菊幾經山店 誰憐軟塵慣染
有圍羞沈約懶添中散想此去高閣江空映南浦晴
雲半帆初展寫得相思肯負了早春回雁漫婆娑兒
女花前小窗曉宴

金惟駿

字昂千嘉定人有野庵詩鈔翡翠蘭苕集
排悶集各一卷詞附

轉應曲古意

楊柳楊柳烟雨迷離江口游人乍別長干繡被孤舟
夜寒寒夜寒夜淚濕懷中羅帕

葉之溶字笠亭平湖人諸生有小石林詩餘

玉漏遲秋葉

碧梧纔點徑淒淒撼撼先傳涼信染徧霜華秋意幾
番消領辭卻林中宿鳥又依戀溪灣巖磴誰獨掃空
山古徑夕陽僧影 每隨屐齒尋來向隱士門庭一
簾秋錦巧奪紅妝二月有花能並彩筆題成數字舊
恨新愁都省還耐冷枝頭舞風猶賸

華宗鈺

字荆山江南華亭人有尋雲遺草

減蘭

朱門更靜簾卷瓊鈎風不定對影沈吟待剪燈花惜
寸心鎮常相見只有巢梁雙海燕繡被香溫夢斷
棠梨雨後魂

誤佳期

竹箭水寒聲咽燈影半牕明滅夢魂無那繞芳叢
相輕于蝶鸞帳玉參差鴉髻金重疊空亭一夜悄
東風吹淡梨花月

瀟瀟雨

廉纖吹細雨怪濃陰一片隔遙隄任朝朝暮暮飄殘
杏巷落盡桃溪已是踏青時候佳約阻春畦草深挑
菜路芳徑重迷灑向層檐密葉總潛教燕妬未許
鶯棲對苔茵翠亂吟屐正堪攜更能消者番憔悴掩
空齋人靜冷烟低丁寧向池邊飛絮莫便沾泥

沈時棟字成廈吳江人有瘦吟樓詞一卷

拂霓裳

俏菱銅春山迤逗十分慵剛貼翠畫眉人睨小簾櫳
魂銷花月地情重雨雲峯碧闌東恰海棠新沐露華
濃幽歡莫憶怕他梨頰先紅憑櫻素紫簫雙品鳳
棲中聯吟靈腕捷鬥茗慧心通粉香叢羨彩鴛穩護
玉芙蓉

程庭宇且碩歙縣人有若庵集四卷詞一卷

踏莎行冬閨

夢妥巫山雲迷楚岫綠熊軟襯文茵厚起來紅日上
簾櫳膽瓶一綫寒香透篆繞爐温釵橫玉瘦慵呵
纖指拈針繡空堦觸響小銀鈴翠禽偷啄相思豆

陳

崆字昨嵐江南華亭人貢生有呵壁詞一卷

渡江雲

石橋流水滑草堂幽築借地恰三弓矮窗塵不到樹
樹芭蕉人影綠陰中無端小別便夢魂歸也恁恁料
只有一丸明月寂寞挂疎桐飄蓬一年淮浦兩載
金閨等殘氈孤擁挨過了黃昏幾度冷雨酸風沈鱗
爲我應惆悵問平安兩字誰通愁更聽寒山夜半清
鐘

真珠簾陸紫湄寄示夢花詞感賦

夢花人在藍橋路爲多情吟徧溪桃千樹一枕小游
仙記雲英曾遇卍字闌邊窺鬢影卻早被鸚哥喚住
無緒算醉別鍾陵十年萍絮誰道客裏生涯恰故
人寄我冷香詩句雁柱十三弦任紅牙低度刺史蘇
州腸易斷何況是青衫羈羽歸去趁木樨花發同聽
絲雨

吳 思字雙山 山陰人有玉艷詞一卷

東風第一枝 和吳雪舫咏新柳

隄上嬌風樓前弱雨二月嫩黃初滿鎖牕千縷柔絲
粉牆萬條長線纖纖春色又描出帶飄衣緩認依依
拂水微烟驚外淡霞輕結 玉笛裏小喉吹轉金殿
側細腰妬軟還如曉沐鬟垂更看晚妝螺淺陌頭忽
見又惹動閨中淚眼採柔條喜結同心愁煞折枝人
遠

邵 崑字天章青浦人

望江南 青溪卽事

青溪好小暖及春晴社鼓遠敲村裏寺紙鳶斜颺夜
深燈天氣未清明

又

青溪好雨過晚涼移未麗花球簪綠髻芭蕉扇子縛
紅絲間立後門時

又

青溪好雅事趁時新雙鈕磁盆藏蟋蟀鬥花小袋貯
鶴鷄約伴又登臨

秦道然字南沙無錫人康熙四十八年進士官禮

科給事中

金縷曲 題雲川蓉湖詞隱圖

老矣城南杜尚依然飛揚翰墨詞填花雨一片湖光
明草閣漁蓑聲聲堪譜怪筆底雲濤爭舞南上天台
西華嶽算文章端合江山助姜與史共千古 何須
更憶花磚步似長空鴻飛去也那曾回顧鴛鴦故交
消息斷輪與烟波伴侶還只痛鼎湖無路昔日南薰
供奉曲到而今都作傷心句招漁父唱金縷

國朝詞綜卷十九

國朝詞綜卷二十

青浦 王昶 纂

杜 詔十三首

程夢星七首

王敬銘一首

張 梁十五首

顧陳埏三首

查為仁六首

陸 綸三首

徐逢吉四首

樓 儼八首

杜

詔字紫綸號雲川無錫人康熙五十一年進士授庶吉士有浣花詞一卷鳳髓詞三卷

荅湖漁笛譜一卷

顧梁汾云浣花風流醞藉詞如其人麗而則清而峭晏周之流亞也 宋牧仲云紫綸詞脫去凡豔品格在草牕玉田之間

杏花天

柳絲風翦青旗颭吹徧了杏花邨店滿浮蟻綠猩紅
糝怕是花濃酒醖 霞頰暈朱脣乍點烟鬢溼粉痕
猶斂尋春那抱傷春怨約略疎香小豔

南鄉子

絮語曲闌邊小炷金猊窄袖偏手約篆絲風不定凭
肩一袖香分兩袖烟 幾欲卸頭眠翠被重熏夢不

圓錯認柔鄉容易住從前纔著思量便渺然

西江月

人靜擁爐時節夜闌翦燭房櫳枕邊花落膩殘紅欹
側釵頭小鳳睡裏旋銷酒暈醒餘還似春慵鈴聲
不耐五更風並起秋衾說夢

百字令 燈花

簷前雨細問誰憐孤影綺櫳深閉暈出輕紅剛一點
旋減一絲烟氣密帳潛移翠屏低款暗卜金錢喜可
能來日鳳箋小字相寄最是擁髻燈前鬢香零亂
雙袖相偎倚撲去飛蛾青不定怎禁夜寒風起不爲
春愁依然花落頃刻傷人意遙憐此際玉蟲偷翦還
未

臺城路 秣陵感秋

石頭城下長千里誰夸六朝佳麗楊柳蕭疎臙脂蕪
沒一段秣陵秋意山容似洗尚繞住清江淡烟凝紫
獨立蒼茫最消魂處夕陽裏闌干猶是徙倚後庭
花唱罷往事休記北里歌喉南朝狎客幾幅吳綾香
膩朱絲細細總說盡無愁燕箋燈謎那管重來庾郎
愁未已

一碧秦淮瀉綠油隔院妝樓隔水歌樓幾番來去爲
遲留來是初秋去是深秋 悵別秋風小泊舟燕子
磯頭揚子江頭兩三星火照人愁望裏瓜州夢裏揚
州

滿庭芳 佛手柑嚴蕩漁先生屬和

碎隱犀紋瘦逾鳥爪生成垂手摻摻木奴纖巧淺蠟
染柔尖自去閩天路遠秋來共橘袖江南黃羅覆金
衣玉液揀取小筠籃 塵凡都脫盡慈雲結印寶露
分甘倩青瓷位置香透疎簾正是夜深寒淺還移向
細火幽龕時相對拈花一笑此意可曾參

西子妝 秋日家詒穀招遊湖上

月桂香寒霜蓮粉瘦浣淨碧波秋曉淡妝西子笑嫣
然爲多情錦衣年少翩然一櫂任搖蕩雲山窈窕更
何如趁鴛鴦飛上湖心亭好 凭闌悄眼底蕭森南
渡風光眇繁華空記柳卿詞我還來共君吟眺蘇堤
窄窄看未了懶尋蘇小過西陵愁絕烟花夢老

渡江雲 徐鳴皋過訪雲川閣坐雨

爲誰留客住疎疎院落瑟瑟雨聲中嫩涼飛不定只
在庭前幾樹木犀風秋香濕透渲染就一片秋濃怎
不把碧紗牕啓閑倚小樓東 迷濛晚烟初上冷韻

旋生做水精眠夢肯再向軟紅塵上漂蕩游蹤今宵
還共巴山話到宵深翦燭誰同差可喜十年舊雨重
逢

夜行船 女倚平韻

趁月且從南浦去算今宵泊舟何處隔水呼燈凭闌
喚酒好共淺眠深語 回首十年前舊侶笑風流那
時張緒剩有秋心翻憐客夢忍聽垂虹風雨

掃花游

梁汾先生招同陳秋田飲紅梅花下時
余又將北行

相逢有幾得共寫烏絲滿圍紅袖山亭置酒正春雲
作暖攢花時候萼破三分一點燕支染就粉香瘦怕
密糝錦袖微墮鴛鴦 小闌人坐久待唱徹紅羅悄
拈紅豆情多感舊總零歌斷拍可憐分手為問從今
再向花前醉否儘消受酒醒時曉風楊柳

玲瓏玉

雪夜擣石榴子汁置花瓷中俄而成冰
色殊豔梁汾先生命製紅冰詞同秋田

奕山作

誰喚凌人巧渲染艷瀨波紅燕支沁入玉痕一片玲
瓏自是花房夜擣儘真珠凝滴瓊液杯中酥融如扶
南花盃酒濃 可把紅霞細嚼怕酸寒滋味鑪火微

烘試一移燈照珊瑚碎影簾櫳憑他朱闌曲護怎禁
得朝來欲泮不耐東風便消去作桃花飛雨曉空

宴清都燈下讀宋詞感賦和倚平韻

暈碧裁紅遍吟牋上教人無限腸斷春風巷陌春衫
意態恁時銷滅縱然老去方回尚贏得江南愁滿可
還記月底花前十年簫譜同按 憐渠兩鬢飄蕭滿
襟悽楚心緒如翦清琴再撫清商再理曲中幽怨須
知我亦栖栖誤認却繁華一片便從今夢冷香殘閒
雲自遠

程夢星 字午橋江都人康熙五十一年進士官編

修有茗柯詞一卷

四庫全書提要云今有堂集詩略近劍南
一派而間出入于玉溪生詞亦具南宋之
體但格力差減耳 江冷紅云香溪瓣香
姜史故其詞極纏綿婉約之致

瀟湘逢故人慢 乾隆辛酉馬子嶰谷贈竹因植

篠園中并作此解志之

荒園名篠無奇葩異卉高柳喬柯只種竹千窠記深
處留客小作吟窩花開一度剩萋萋逕草庭莎茆堂
外月空雲冷幾年夢隔湘娥 重移處分嶰谷向橋

東榜舟遙送林阿早綠影羅羅有曾宿嘉禽驚唳偏
多琉璃笛簟再來時消得婆娑從今後主人休問筓
輿徑造如何

憶秦娥 冬閨

黃昏後錦衾繡褥香熏透香熏透淒涼今夜獨眠還
又 巡檐且摘梅花嗅闌干凭處同消瘦同消瘦生
憎霜月照人依舊

點絳脣 和漱玉詞

風颭相簾水沈縈碧流烟縷靜中春去樓閣深深雨
却倚雕闌脈脈無情緒凝眸處粉雲香霧遮斷天
涯路

金菊對芙蓉 次楊蓮溪寒夜僧廬話舊韻

落葉堆愁饑烏喚夢那堪兀坐幽窗况霜凝村徑月
黯僧房無端已作三旬別湖隄外尚滯歸航挑燈話
舊可憐歲晚偏是他鄉 猶記分手邗江藉前賢古
蹟遙賦山陽更重來尋賞半屬荒涼只餘垂釣臺還
在閑憑弔烟水蒼茫勸君小住收羅冷景盡入詩囊
采蓮令 爲嶼谷詠盆荷

記江妃南浦初來處牽脩綆玉泉頻注幾叢翠蓋早
亭亭似欲凌波去湘簾卷風吹酒醒歌催夢覺冷香

爭沁詩句 莫采芳莖就裏只少蘭橈渡雕欄畔儼
同汀渚兩明軒子試消夏別有滄洲趣漫相憶鷗邊
柳外疎花涼葉三十六陂烟雨

疎影行庵東廊夕照竹影蕭疎如畫與閔玉井
同賦

茅齋晝靜看曲廊翠篠移過疎影葉總凌虛枝亦抽
空夕照趁風無定清陰似帶秋聲入覺響玉依稀堪
聽問夢中尋遍瀟湘可識箇中幽境 猶憶春宵覓
句竹窩客散後闌檻同凭又到山窗攜手同游與爾
還添吟興偷閑好向黃昏候皎月上夜來須等更倩
他淡墨籠紗小幅試描烟景

憶秦娥

秋雲疊却從薄處窺殘月窺殘月滿身風露冷吟初
歇 小窗點點燈花結愁懷一段誰堪說誰堪說獨
憐蟲語似傷離別

王敬銘

字丹思嘉定人康熙五十二年 賜進士
第一官修撰有未岩詩鈔一卷詞附

鵲橋仙 七夕

年時憶得星稀雲澹頻赴花邊密約相逢但訴隔宵
情笑碧漢迢迢飛鵲而今難覓濃懽幽意縹付斷

蓬飄泊倩他醜面破愁眉蚤又似蛛絲牽着

張 梁字奕山婁縣人康熙五十二年進士官行人司行人有幻花庵詞二卷

曲游春闌干

曲曲花梢亞便綺窗雕檻深院幽靜一片芳心任周
遮不住日長閒凭屨響迴廊迥認半晌玉纖扶定想
曉來未捲湘簾百摺畫裙先映 雅稱比肩人並記
鸚鵡籠邊私語曾聽六六迴環共巫雲惆恍望中愁
疑過盡梧桐影愛一段月華猶賸甚爪痕細搯重重
遍敲不應

玉京秋 七夕同人小集怡園送陳大秋田之官

長寧陳名韞恆庚辰進士有相園詞

涼露滴他鄉又今夜共憐羈客鵲飛未定蟬鳴初息
十載詞壇勝侶甚相逢偏是離席攜吟筆一天雲錦
細將愁織 况是潘郎岑寂指天涯鸞分鳳拆官舍
間海棠花底春陰誰惜借儂指三年早訂取同醉西山
山色怎消得此後檐牙月白

西子妝 再押前韻寄秋田紫綸

菊外離筵梅邊別酌一一玉鞭高舉吳山夜鶴蜀山
琴問何如軟塵羈旅幽懷自許奈容易天涯吹絮數

相思幾疎窗沉月空階鳴雨 飛花去綠暗重簾獨
自愁城據年時柳色短長亭尚依依剩絲殘縷遼天
斷羽知他日聯吟何處莫登樓怕見斜陽滿樹

東風第一枝春雪用梅溪韻

拂草生姿縈叢作態輕寒欲換輕暖漫看珠箔光浮
定知錦鞵印淺翩翻妙舞似故學仙裙嬌軟數幾番
風到梨花勾引玳梁新燕 溪淡淡碧波照眼山漠
漠翠烟障面彩毫重約詩壇素練更流畫苑香閨詠
絮早嫩柳齊搓金綫倩郢歌調入琴絲不似灞橋曾
見

暗香 余性愛梅故所居處處多植之然花時輒

格他故未爲著語雍正歲庚戌花正繁又
值洩旬風雨落燈後數日雪莊偕余羣從
至止適晚來稍晴約用白石韻以謝向者

闕焉之咎

石湖春色自老仙跨鶴無人橫笛散入江邨帶雪和
香忍辜摘莫笑吾廬太冷客尚有當時吟筆便淨掃
竹外蒼苔幽賞簇燈席 南國正寥寂數半落半開
凍雲猶積素娥暗泣遙隔瑤樓悄相憶曾記柴門夜
皎雙槩泛小溪澄碧又數點風弄雨枕邊聽得

洞仙歌 爲王述庵題照

吳綃蘸粉待香熏小像好展雅義翠屏上憶戲粘蠅
淚小賭香囊便巾裏都是路家新樣舊曾名萼綠
夢雨傷春忽憶雲林伴幽賞燕尾漾殘紅苔絮蕤花
偏只愛逗烟薇帳想畫月仙毫也慵拈怕翠館偷來
合箏傳唱北夢瑣言路侍中巖善巾裏蜀人見必效
之李賀詩本是張公子曾名萼綠華沉香熏小像楊
柳伴啼鴉

高陽臺 牧園潘君詩窮酒狂忤俗淪落歲丁亥

與予交年已近七十後五年而下世追
憶接膝聯吟光景猶在己丑秋同香林
雪莊詠芭蕉而止嗚呼牧園已矣筆墨
猶生忽有感慨聊寄於斯

筆塚淒涼糟邱冷落故人天外哀吟逗起孤懷短檠
風雨沉沉白頭一覺江湖夢問江湖可抵愁深渺餘
音觸手清風彈折瑤琴騷魂不逐巫陽下縱家傳
白壁誰鑄黃金老屋依然鶯花無計相尋西窗醉墨
縱橫遞檢殘編猶在而今最傷心昨夜芭蕉又展新
陰

錦香繚繞繞圍晴晝人間洞天長在幾度迴腸幾番引
領重聽鶯聲花外塵襟暗解喜蘭蕙微薰玉霏輕灑
遶樹婆娑翠陰如幄帽簷礙清齋時序正美百壺
拚共倒風月須待壓架茶蘼翻階芍藥脈脈含情無
奈陶然盡醉又做起相思併添詩債倦理歸橈別愁
攜滿載

渡江雲

頻歲與二三知己相聚於研真閣雙杉

之下言笑靡間癸巳夏將赴公車重以
諸君子失意之後益增黯然賦此留別

綠杉池閣窈彈琴縱酒閒共數寒溫素心歡正洽楊
柳河橋惆悵引離樽相思又是掩蘆簾野店燈昏君
只看一帆風飽吹入隔江雲驚魂年華草長心事
花飛向樽前凝恨空記取一場春夢漸漸無痕今宵
幾處窗櫺月照清愁却是懷人人縱遠休忘舊雨論
文

又別內

雨昏楊柳岸鳴橈去也閒却倚窗琴寸腸能幾許連
夜挑燈相對曉鐘沉驪歌唱了立花堦尚惜分陰回
首是石榴紅綻剪碎別離心從今天涯芳草樓角
斜陽想慳慳長恁多恐是一床蝴蝶兩處追尋孀娥

倘與秋衣換待相迎只怕寒深還未卜一緘小字泥

玲瓏玉和杜五庶常紫綸紅冰詞乃雪夜瀟石

榴子汁所成

誰向嫌山巧收得凍雪花稍分明似玉怎知暖意全
消凝就春濃淡薄認酥融粉膩薇露勻調含嬌窺雲
屏微暈酒潮莫是情人別久滴相思珠顆緘冷香
綃攜上歌筵伴啼紅怨蠟光搖誰憐文園憔悴問爭
抵瓊漿療渴夢隔藍橋且吟玩怕東風吹到綺寮
西子妝和珠岩兄聽雨次倚平韻兼憶秋田紫

綸之作

浥翠窗深啼紅徑悄數日清觴慵舉騷騷屑屑易黃
昏對孤檠恍疑新旅閑愁幾許似吹動一襟芳絮染
吟毫悵風流雲散重逢今雨良朋去草色天涯雁
足渾無據寂寥花館遠鐘寒有誰憐鬢絲千縷飛飛
倦羽尚回首香叢深處攪離懷不那梧桐一樹

壺中天余與紫綸別三年矣聞游秦中音問闕

隔思之甚至形于夢寐丙午二月之杪
忽蒙扁舟枉過邨居剪燈話舊款洽方
深時以就館白門匆匆別去約共賦此

相思纔了忽梅花窗外與君俱到秉燭相看非昔夢
吳語畫屏聲悄一別驚心三年彈指世路羊腸繞羨
君高致羅裙新句多少 差喜別業初成方塘曲徑
差足留清嘯寒勒花梢如有待同拂綠箋吟稿茗椀
重攜薰爐未爇底事抽帆早登樓搔首碧雲依舊天
渺

洞仙歌 孟亭約賦荷葉

小橋南北早田田無數改換年時送春路笑碧簪零
亂紈扇低回橫塘外漸引凌波微步 涼雲飛冉冉
野渡無人一片濃香自來去最憶月明時孤艇相逢
傾蓋裏依依鷗鷺還待與騷人剪秋衣任着破西風
不妨重補

壺中天 雍正甲辰卜居珠街閣鎮得席氏廢園

少加修葺用黃叔暘自題玉林韻

五茸西北喜連峯秀色撲人眉宇琴阮邨閒鬩鬩外
藹藹綠陰庭戶依豈朱家隱非角里愛此寬間趣平
生茶癖水清隨汲堪煮 稍稍補竹添松疏泉磴石
窈窕成林塢誰道閉門耽寂寞大有鶯歌燕舞野老
能來山僧肯宿推作花間主烟鬟遙列賦詩還上高

處

顧陳埈

字玉停太倉人康熙五十三年舉人官行人司行人乾隆元年薦舉博學鴻詞有洗

桐軒集六卷詞附

留春令 晚清軒送春

夢回晝永消魂更是幾番絲雨乳燕雙雙拂斜暉猶細認香泥步 婪尾殘來光景暮下湘簾無語一片桑波柳陰濃中有線春歸路

小重山

漠漠輕陰做晚涼空堦人獨立思微茫纔過疎雨見斜陽蟬聲斷風影落橫塘 蓮葯賸殘妝柳梢纖月逗靜琴張遠山籠靄黛痕長添秋恨蛩語共商量

齊天樂 括温飛卿江南曲

藕花洲上芙蓉楫羞郎故移深處弄影萍開迎風袖看瀾瀾雙雙飛去垂鞭笑顧問住否橫塘試窺簾戶妙舞妍歌甚時相見定相許 歸來憔悴錦帳久塵金犢憶黛眉慵嫵扇底紅鉛啼痕暗積消得腰支如許鸞絃解語有明月西南伴人淒楚悶拾楊花等閒春又負

查為仁字心穀號蓮坡宛平人康熙五十三年舉

人有押簾詞一卷

吳寶崖云蓮坡才思超俊履險能夷時時
招余坐花影庵風簾雪檻刻燭賦詩外尤
好倚聲抽妍騁秘宮協律諧能盡洗草堂
花間之餘習而出之以雅正押簾一卷尤
當把臂玉田拍肩白石

法曲獻仙音除夜喜王兩楓過訪留宿花影庵
響竹門閒驅讎人去又是年時臘盡酌酒澆詩倚鋤
埋硯岑寂有誰能省喜舊雨還攜屐相將過三徑
懽娛并更煨爐共添商陸且密坐閒看蠟花弄影婪
尾送杯深好黏脣休道酩酊此夜天街啓千門露紅
香凝待催殘虬箭砌外春吹近

洞仙歌

入春以來塵事稍謝日坐花影庵中卷
軸之外別無所耽花南硯北頗得閒適

之趣爲賦此解

流光似箭又東風吹換池上堅冰昨方泮更梅花吐
白柳色勻黃鸚到了喚醒深深庭院關心殊不淺
舊事新愁都被春聲暗勾轉排悶欲題詩有限蠻牋
書不盡閒情長短但靜掩疎窗爇爐烟看四壁無塵
圖書香滿

憶秦娥

秋聲咽樓頭雨過飄殘葉飄殘葉白雲紅樹斷腸時
節寶釵已拆難重合思量往事愁堪絕愁堪絕箇
人何處一簾新月

菩薩蠻

長紅小白花如織春光荏苒成拋擲燕語似丁寧芹
泥污硯屏美人期未得鎮日空相憶極目板橋西
垂楊鶯亂啼

邁陂塘

夏日喜吳門趙丈飲谷偕廣陵許司馬
雙渠過游水西飲谷以新聲見贈因和

此解以誌雅意

喜朝來畫橈間機翠筇報游山館荒籬野圃蕭疎甚
無物爲君輕款聊着眼剩檻外荷纒葉葉呈歌扇林
陰午轉看長史風流高人灑落花外笑言滿天涯
畔難得相逢懽懽擎杯休道頻勸燕雲吳水迢迢隔
後夜相思莫挽還染翰羨側艷新詞落落珠成串高
蟬弄晚且珍重篙師催歸漫急小戀夕陽岸

柳梢青 春雨

做弄輕寒絲絲如織簾捲愁看染柳多情吹桃有意
都在闌干謾將離思頻牽且小戀重衾夢添中酒

幽牕賣花深巷翻笑春閒

陸

綸字歷才平湖人康熙五十六年舉人官永

州府知府有莞爾詞一卷

長亭怨慢柳花

問曾管絲絲離怨乍醒三眠鎮飄晴霰莫伴春歸亂
紅先自去程遠尚疑鄰院和蝶影翻飛舊逗入小簾
櫳把中酒慵心偷見如卷糝香綿夜悄碾碎月輪
千片輕埃又散較衣淚惹來深淺儘萬里有夢隨風
也無力將人吹轉只化作薪萍看臥鴛鴦波暖

邁陂塘題菽雪邨莊

舞涼雲晴梢擎絮邨邊何限幽景蕭蕭颯颯斜陽外
一片水明沙淨秋意迴算縱有芙蓉不奈胭脂冷遙
汀度暝判岸闊燈昏天高雁響朧月纜孤艇風人
遠此意有誰能領蒼蒼原異塵境卷茅未怕風吹屋
軟護低簾霜影花下等喚白鷺飛來雙笑絲垂頂綺
疎夢醒話就菊重陽移橙細雨樂事也須併

西子妝白蕉爲余點閱小草兼贈月下笛一闋

詞以答之

鴻渚鳴霜蛩鋪咽冷一片秋懷羈苦半生無夢著揚
州度花風鬢絲空數流光迅羽縱檢却神方難駐寄

閒情向月斜燈暗蒼茫曾賦 吳宮誤莫笑東鄰也

學妝眉嫵碎荷零露不成圓甚情多似珠量取紅牋

擘句更珍並珊瑚十樹指湖均漁笛贛洲待譜

徐逢吉 字紫山自號青叢老漁錢唐人諸生有柳

洲清響搖鞭集微笑集各一卷

厲樊榭云徐文紫山黃雪山房在學士港

口湖山幽勝處也其詞清微婉妙絕似宋

人

如此江山 吳山望隔江殘雪

朔風捲却彤雲去江天正繞寒色遠踏冰崖醉扶筇

杖坐向玉清樓側越山歷歷見幾點微青數峯猶白

凍老梅梁昏鴉斜帶六陵夕 西興誰又喚渡是故

人欲訪孤嶼消息獨樹無依高帆半落點綴米家殘

墨海門漸黑想今夜山陰柴關岑寂老鸛驚飛登臺

吹短笛

點絳脣 同樊榭作

似箭流光梅花雪後櫻桃雨匆匆離緒春要平分去

記得年時共賦銷魂句今何苦落花無數人隔春

城暮

喜遷鶯 初夏寄遠

春歸何速見點點愁紅游絲飛逐柳巷斜通槐門半
掩一片濃陰堆綠念取山遙水遠最苦晝長人獨簾
影動指畫屏風上湘娥眉蹙 剪燭寫一幅碧紗烟
翠寄向空潭曲芍藥分題玫瑰壓酒要把舊歡重續
窗下越羅初試樓外楚峯如沐微醉後待涼生枕簟
雨聲敲竹

霓裳中序第一 旅舍送春

纔看過寒食滿眼溪山又堆碧聽取乳鶯聲澀把故
國風光年年拋擲朱顏可惜攬瑤芳香怎留得傷心
似明妃遠嫁紅袖偷淚滴 飄泊吳南燕北水雲寬
總沒消息何人憐我岑寂小院秋千高樓吹笛離魂
悄難覓東風緊孤帆落日蒼茫裏五湖烟浪着此送
春客

樓

儼字敬思號西浦義烏人寓居上海以薦入

武英殿修詞譜議敘補靈川縣知縣歷陞
江西按察使改京卿致仕卒有篔笠軒詞
四卷

八聲甘州 寄半樂

算幾番紅到水邊楓天氣近重陽最難逢晴霽花黃
酒綠多少詩忙著了登高吟屐那肯負秋光往事都

休矣身在他鄉 正是匆匆相見又匆匆相別一棹
秋江記小亭晚桂冒雨吐幽香想而今茱萸雙鬢向
樽前未必不思量空延竈一繩雁序喚起淒涼

長亭怨懷戴道士

便攜了藥爐丹竈琴劍蕭蕭一篷江上矯首天空野
雲閒鶴自疎放瘴烟如霧何人肯吟邊撰杖爲我勾
留看看是梅花無恙 惆悵一番秋月底巖桂有誰
同賞東籬採罷空回首黃樽酬唱誰知道篷背霜濃
猶自打寒波雙槳且收拾詩囊留得故人相訪

宴清都

市上都行遍西風外鴻聲雲影零亂分曹賭酒分題
覓句幾番消滅依稀一樹紅梨但回首人琴淚濺謂
掌亭檢討暨乘萬編修忍還說小巷南頭棗香別院
塵軟 頻年嶺外梅花瘴烟憔悴心事如見珠江一
棹燕山一騎滿懷幽怨休題萬里封侯賺白髮書生
面腴悄歸來篷底清吟藥囊茗椀

踏莎行

流水三灣落花千片可憐纔是春將半嶺南天氣最
難憑嫩寒嬾把羊裘換 雨意低迷吟情悽惋夢魂
頻繞江東岸一枝楊柳綠粼粼釣船閒繫無人管

低唱望江南醒來時又是乳鴉啼曉山色有無間蓬
牕倚一抹修眉初掃陰陰綠樹鶯梭點點穿來小腸
斷短長亭外路踏遍幾番芳草無端換上征衫別
離多慣把吟魂消了小市又斜陽柳絲長不管東風
吹到十年一劍宦情贏得憂心悄可憐櫻笋風光裏
猶說瘴烟多少

眉嫵

正雙星初會半月將圓情緒怎生遣記在迴廊下盈
盈步無端偷過前院偶然一盼便覺他深意無限可
憐是一尺吳中髻恰教桂花滿誰料屏風重見又
折來菊蕊那日初換似說書生老雲藍袖量珠難恹
幽願笑聲乍轉莫漫忘妝鏡人面倩誰繫紅絲翻覺
泛湖興懶

法曲獻仙音

雁影模糊蛩聲淒切又是秋將殘了兩岸青山千林
紅葉中間一溪縈繞記十載曾二度篷牕漫吟嘯
客重到可猶似舊時懷抱但兩鬢絲絲碧波羞照戲
指破征裘遍關河萬里曾到檣月篷霜消得幾番昏
曉算經年游興只有一編詩草

夜行船

薄霧朦朧雙槳去趁星光莫教天曙幾點漁舟一叢
霜荻燈火微茫何處記得小樓曾借住倚熏籠夜
深頻語夢不分明景還依約腸斷天涯羈旅

國朝詞綜卷二十

國朝詞綜卷二十一

青浦 王昶 纂

厲 鷓五十四首

厲

鷓字太鴻錢唐人康熙五十九年舉人乾隆

元年薦舉博學鴻詞有樊榭山房詞二卷

又續集二卷

徐紫珊云樊榭詞生香異色無半點烟火

氣如入空山如聞流泉真沐浴于白石梅

溪而出之者 陳玉几云樊榭詞清真雅

正超然神解如金石之有聲而玉之聲清

越如草木之有花而蘭之味芬芳 趙意

田云琴雅一編節奏精微輒多絃外之響

是謂以無累之神合有道之器者

國香慢 素蘭

路遠三湘記幽崖冷谷采徧瑤房仙人鍊顏如洗尚
帶鉛霜窈窕東風搖翠返魂處佳珥成行飄零遇張
碩已墮紅塵還舞霓裳 月中何限怨念王孫草綠
孤負空香冰絲初弄清夜應訴悲涼玉斲相思一點
算除是連理唐昌閑堦澹成夢白鳳梳翎寫影雲窗

齊天樂 吳山望隔江霽雪

瘦筇如喚登臨去江平雪晴風小濕粉樓臺釀寒城
闕不見春紅吹到微茫越嶠但半亙雲根半銷沙草
爲問鷗邊而今可有晉時權 清愁幾番自遣故人
稀笑語相憶多少寂寂寥寥朝朝暮暮吟得梅花俱
惱將花插帽向第一峯頭倚空長嘯忽展斜陽玉龍
天際繞

百字令 丁酉清明

春光老去恨年年心事春能拘管永日空園雙燕語
折盡柳條長短白眼看天青袍似草最覺當歌嬾惜
惜門巷落花早又吹滿 凝想烟月當時錫簫舊市
慣逐嬉春伴一自笑桃人去後幾葉碧雲深淺亂擲
榆錢細垂桐乳尚惹游絲轉望中何處那堪天遠山
遠

疎影 湖上見柳影因賦此闋

輕陰冉冉正嫩苔弄碧庭宇深掩千縷柔魂搖蕩如
烟無端忽度闌檻章臺路暗人歸處看足了斜陽濃
淡又幾痕水際低窺近日楚腰全減 依約勻梳月
底亂雲鋪滿徑籠住文簾欲結同心空試萸苗作就
三分銷黯寒添白袷清明後掃不盡隨風微斂最鏡

中再寫秋疎記得踏枝鴉點

桃源憶故人 螢

夜涼那更秋情獨冷
酸雨餘輕撲墜處濕黏簾竹
瞥見因風逐 穿烟照水猶難足
小簾窺人新浴殘月
剛移桐屋一箇牆陰綠

惜餘春慢 戊辰三月二十二日汎湖用清真韻

綠徧山腰青迴沙尾花信幾風吹斷屏間鳥度鏡裏
舟移乍試苧衫綃扇常把禪機破除難負春妍流光
如箭正蘅臯稅駕鞿塵不動黛明波遠 看漸是弱
絮縈烟新荷鑄水麗景一番熏染初啼鴉後將噪蟬
前池閣嫩晴千變誰道凭欄有人暗憶年華自憐幽
倩且停橈淺酌霏雨霑衣數點

摸魚兒 得汪舍亭婺州晚春見懷詩用蛻巖韻

答之

又騰騰一番春晚無情潮落江浦故人猶憶春前別
不肯載愁流去窗暝處展淡墨吳牋忽見殷勤語客
懷定苦在穀水雙流池樓一角日日獨看雨 淒涼
意不數淋鈴督護風流那減張緒平生我亦多情者
更指酒邊遺譜還問取問青子綠陰可記城南路休
歌爾汝待再覓郵筒餘花晚筍刻意爲君賦

夢芙蓉 戊戌五月十三日汎舟碧浪湖作

曉天魚板響趁青蘋風起碧鷗波漲一枝塔影斜裊
打雙槳道場山在望仲姬猶賸眉樣劃碎玻璃占蘆
灣柳泣新雨欲沉網何處紋簾捲上白紵歌輕去
也終留悵雙鬟可買應作五湖長水雲連浩蕩杜郎
原是疎放有日重來願身為鵲鏡妝臉鎮相傍

浣溪沙

數到湘琴未滿絃春殘過了摘櫻天芳時卯飲最思
眠八字眉痕剛半畫二分月影恰重圓第三橋外
見飛仙

霓裳中序第一 宋德壽宮芙蓉石在南樞署

牆陰擁翠浪搔首繁華成俯仰藤絡苔皴草長是親
見光堯蓬萊無恙香銷玉葬怕夜深山鬼來往淒涼
處奉華舊閣記否捲簾賞惆悵疎葢藏響雨洗淨
嶙峋十丈芙蓉孤倚月幌問點額宮梅已歸天上冷
銜蜂乍放不照到銅溝膩漲青蕪裏宣和金字也是
此情況

滿庭芳

寄暢園在惠山下梁溪勝地也引第二

泉穿垣而入匯為大池有聲幽潺池中
多磐石上芘喬木皆數百年物軒楹倒
影與波澹蕩己亥暮春十有三日汪青

渠邀予來游坐蔭弄水顧而樂之同行
虞山沈生彈箏作秦聲以佐酒因成此
調青渠近買吳姬自杭來家梁溪故戲
及之

屋借峯圍徑隨泉改過橋別是深清闌干十二真在
鏡中行不道黃衫去久風前樹猶帶茶聲江南好莧
裘似此何用買傾城 攜朋春已謝梅九緘怨蕉紙
書情任陰陰隔葉啼老吳鶯明日片帆催發幽崖畔
正有雲生勾留住簾紋設否容我聽調箏

揚州慢 廣陵芍藥

疎雨催妍穉寒凝態天涯相見魂銷問春歸幾日未
盡減春韶算亭北新妝老去不多風露暗展輕綃送
杯中婪尾香心欲話無聊 鴉黃初試記當年曾識
烟苗奈月幌低籠雲堦斜倚夢到迢迢除卻謝郎俊
句無人與淺暈深描想難禁攜贈離情都在紅橋

賣花聲 徐翩翩書扇自稱金陵蕩子婦

花月秣陵秋十四妝樓青溪迴抱板橋頭舊日徐娘
無覓處芳草生愁 金粉一時休團扇誰留帶人只
有小銀鉤句尾可憐書蕩婦似訴漂流

水龍吟 用丁宏庵韻

客懷偏恨秋陰故遮一半欄干影蓋欺人獨鵲欺書
滯何曾慣聽疊疊吳雲迢迢楚水悠悠醒枕漫尋思
那日門前銀浦不抵似關山永 凝立風簾露井可
能拌參差簧冷飄零愁髮蕭條長缺無言自領樓月
斜初篝烟清後舊家標韻又新涼陡起添衣時候作
西窗暝

尾犯

坐趙谷林西池泊花檻看新種青蘆悠然
動江湖之興

水空雲淨見菰蒲叢外數枝交暎梢梢瑟瑟無人處
被荷風吹醒搖波十里遠界破青山影作秋聲不到
秋來要君倚檻閑聽 最是淡烟低暝逗漁燈前浦
冷便移栽蕩戶添箇根邊鴨雛游泳捲葉鳴笳揉花
裝被尚遲清興又何似折取橫江相思還踏二三徑

曲游春 郊外探春作

一水仙源曲被柳條遮斷千縷婀娜有約前君怪逢
伊還向重簾單舸出意新梳裏看颺鬢藥黃微宛縱
近來遠似天涯誰倩玉顏初破 禁火心情偏妥伴
錢藕偷分鈿符輕墮容易斜陽恐穿烟鳳子尚尋珠
唾波面虹橋臥任怨咽玉簫吹過無奈澹月籠燈翠

扉浪鎖

一枝春 城東許氏水軒臨流梨花一株妍淨可

念主人命酒邀賞已半落矣感而賦之

縹蒂無多過清明幾度東闌愁凭飄搖素羽漲曉乍
迷天鏡垂楊倦眼似相見雪融酥凝拌早趁深淺沾
春護惜夢雲輕冷 聲聲鶉鴉催憶初籠香雨烟

綃娟靚清蟬墜小瘦減玉兒妝影憑誰看取好留向
繡牀低暎還帶葉偷綴瓊絲晚風未肯

丁香結暮春初霽用清真韻

吹落嬌雲展開平碧枝上雨殘猶隕恨流光偏迅數
景物賸得鶯愁蜂潤小紅曾記否朝酲滯薄寒自忍
可憐游舫散後定是蕪菁開盡 相引早餽飮陰晴
花信催過幾陣曲巷幽坊柳絲竹粉翠樓生暈謝家
飄蕩紫額翦麴塵盈寸凭欄干那曲冶葉何人摘損

高陽臺 成窯九十九子瓷台金壽門索賦云是

宮中妝具也

秘翠分峯凝花出土依稀粉滴脂函鈿合前塵宮羅
冷却黃尖浮梁猶有當時月向夜深孤照秋奩怨長
門夢斷蒼龍字漬眠蠶 戲嬰圖子誰描得恰臨妝
試仿黛筆重添數比螽斯未曾盈百休嫌從今舊價
卑哥汝宛青娥紅淚偷淹莫銷魂漢苑瑤箱久落江

南明時瓷器進御者皆出浮梁之景德鎮

一珍做宋版印

眼兒媚

一寸橫波惹春留何止最宜秋妝殘粉薄矜嚴消盡
只有溫柔 當時底事忽忽去悔不載扁舟分明記
得吹花小徑聽雨高樓

二姝媚 櫻桃花

嬌鶯含得未正眠燈風收繁心低綴薄暈微頰學玉
窗勻面粉淹脂淚悄探芳期先占了沿溪桃李無語
銷魂偷折斜枝下堦游戲 休觸蜂須飛墜到細數
圓珠好春流水翠沼深深照一庭朧月暖香吹碎記
挽單衫相送嬾難醒殘醉隔著重簾花下瞢騰喚起
慶清朝慢 辛丑長安元夕同王雪子金繪白集

汪西亭水部寓齋賦

掃雪燈樓障風酒幕千門春散京華閑情似夢小歡
深醉銷佗莫趁走橋人去故園伴侶在天涯當杯有
一般好月燭影初斜 簫鼓隔牆未厭況水曹詩俊
淡墨棲雅疎香共憶窗外應少梅花從此滿城鬪草
細娘催上卓金車心期遠鶯邊古寺雁外晴沙

玉漏遲 永康病中夜雨感懷

薄游成小倦驚風夢雨意長牋短病與秋爭葉葉碧

梧聲顫濕鼓山城暗數更穿入溪雲千片燈暈翦似
曾認我茂陵心眼少年不負吟邊幾熨帛光陰試
香池館歡境消磨盡付砌蟲微歎客子關情藥裏覓
何地烟林疎散懷正遠胥濤曉喧楓岸

百字令 月夜過七里灘光景奇絕歌此調幾令

衆山皆響

秋光今夜向桐江爲寫當年高躅風露皆非人世有
自坐船頭吹竹萬籟生山一星在水鶴夢疑重續挈
音遙去西巖漁父初宿 心憶夕社沈埋清狂不見
使我形容獨寂寂冷螢三四點穿破前灣茅屋林淨
藏烟峯危限月帆影搖空綠隨風飄蕩白雲還臥深
谷

憶舊游

辛丑九月既望風日清霽喚艇自西堰

橋沿秦亭法華灣洄以達於河渚時秋
蘆作花遠近編目回望諸峯蒼然如出
晴雪之上庵以秋雪名不虛也乃假僧
榻偃仰終日唯聞櫂聲掠波往來使人
絕去世俗營競所在向晚宿西溪田舍
以長短句紀之

迦溪流雲去樹約風來山翦秋眉一片尋秋意是涼

花載雪人在蘆漪楚天舊愁多少飄作鬢邊絲正浦
淑蒼茫閑隨野色行到禪扉忘機悄無語坐雁底
焚香菴外絃詩又送蕭蕭響盡平沙霜信吹上僧衣
憑高一聲彈指天地入斜暉已隔斷塵喧門前弄月
漁艇歸

齊天樂 秋聲館賦秋聲

簾淒燈暗眠還起清商幾處催發碎竹虛廊枯蓮淺
渚不辨聲來何葉桐颺又接盡吹入潘郎一簪愁髮
已是難聽中宵無用怨離別陰蟲還更切切玉窗
挑錦倦驚響簷鐵漏斷高城鐘疎野寺遙送涼潮鳴
咽微吟漸怯訝籬豆花閒雨篩時節獨自開門滿庭
都是月

西湖月 明慈聖李太后賜畫九蓮觀音像在靈

隱寺借秋閣

忽忽夢了華胥早鷺嶺窗前貯將圖畫翠嬰長帶銖
衣細疊冷綃光研巖居瞻瑞相展一橙松風塵外挂
任水際苦入秋心依舊九蓮開也署年髣髴神宗
說侍養深宮白頭閑話月輪圓裏山河小影似驚飄
瓦興亡多少事便指與枯禪應淚灑已零落阿監當
時奉香黃帕

綺羅香 壬寅春分約徐文紫山同賦

水榭收燈虹梁待燕判斷韶華如許九十芳辰一半
自今堪數嬌意緒欲暖翻寒嬾心性乍晴還雨已飄
殘梅雪鱗鱗井桃花信未遲暮 簫樓應惜冶思誰
在生香徑裏和鶯低語約略東風好似破瓜眉嫵剛
宿露蝶夢攙勻更惹烟柳絲偷取悵年時一掬春愁
試分知解否

皂羅特髻 賦包頭

膠鬢攏罷稱滑笏吳綃摺成如水淺緗素額更斜遮
蟬翅重窺鏡非關怕冷上頭初愛道隨時世最宜淡
汙恁略施珠翠 還把一痕絲擘襯微微紅起春愁
困莫教半卸到殘妝秀暈分明是碧烟抹斷看兩蛾
尤細

夏初臨 初夏雨中同蔣丈靜山汎湖

蘸就魚天搓成鷗雨空濛撥擢遲遲無數蘋花輕香
點破漣漪遠風沿岸斜吹濕青篷誰弄參差湖心亭
柳千條暎波纔是愁時 可憐春去追送今朝破除
酒病更鬪槍旗簾釘窗眼曲游俊侶都非那不淒迷
放殘陽綠過橋西記蘇堤衣香後船柔擲枝枝

喜遷鶯 初夏

竹香新引漸綠到岸東茶蘼吹盡描繡心慵行棋聲
歇長日瑣窗清潤閑臨小風揮扇涼思先歸鬆鬢爲
誰瘦鞦韆單衫尚束春前幽恨 芳信緘密意蠅字玉
釵待搯榴巾問鬪茗樓前澡蘭屏底猶記那回眉印
幾絲麝煤飛度山枕天涯翻近夢催破聽迎梅雨點
敲簷初緊

八歸隱 几山樓賦夕陽

初翻雁背旋催鴉翼高樹半挂微暈銷凝最是登樓
意常對亂波紅蕪遠山青襯不管長亭歌欲斷漸照
去鞭痕將隱想故苑燕麥離離滿地弄金粉 何況
春游乍歇花愁多少只惱黃昏偏近冷和帆落慘連
笳起更帶孤烟斜引誤雕闌倚徧霽色明朝也應準
無言處望中容易下却西牆相思人老盡

高陽臺 落梅

縞月啼香青禽警瘦遺環與恨俱飄雪沒鞦韆痕何人
爲掃溪橋東風欲避層臺遠御風歸第一春銷惱相
思枝北枝南冷夢迢迢 山空記得吟疎影拾參差
片腦自裹冰綃湖水無聲流殘舊怨新嬌餘酸已在
濃陰裏怕重屏半萼難描更堪他消息經年雨暮烟

朝

木蘭花慢 城西開元宮本宋周漢國公主府元

時句曲外史張伯雨入道於此外史開元宮得月軒詞有環堵隘花狼藉溝水漲雲充斥似石魚湖小酒船寬窄之句今闌入軍營中僅矮屋數楹奉高真像旁有隙地積水縱橫猶是當日陳跡也雍正癸卯二月十九日過之書此以貽訪古者

自吹簫伴去還再住列仙儒想瑤草呼龍梅花待鶴
詩鬢慵梳平生愛尋先隱冷襟懷要與俗人疎可惜
風騷零落而今纔到清都漫郎曾賦石魚湖流水
繞堦除賸一片涓涓斷雲新柳照影荒渠宮匳已銷
餘豔覓彩毫何處寫黃圖說與游人記得羽觴汎也
應無

念奴嬌

甲辰六月八日子將北游東扶聖幾錢

子湖上泊舟柳影荷香中日落而歸殊覺黃塵席帽難爲懷抱矣因用白石道人韻歌以志別

孤舟入畫怪人閒誰寫漁朋鷗侶起坐不離雲鳥外
倒影山無重數柳寺移陰葑田拖碧花氣涼於雨詩

成猶未遠蟬吟破秋句 忽記身是行人勞君把酒
斲揖湖光去共惜風亭今夜笛月逗離聲前浦千里
幽襟一堤野思終擬將家住甚時攜手水荇搖曳烟
路

解語花 春日見閨人搗鼓

簾遮晝影釵翦春痕香度深深院玉嬉鶯婉無愁處
小坐釘花牀畔飛空碎遠看一朵翠翹難顫驚夢回
聲落高唐白雨隨酥腕 長記柑筵飲散遇紅蘭潮
靨青柳垂眼唾霏休濺飄鸞袖應是細敲腸斷微音
弄釧料無此漁陽嬌怨生晚寒燈暈妝樓敲被池人
倦

琵琶仙 康山在揚州輦土為之以康對山寓此

得名今屬吳氏乙巳二月四日被江招
飲其上四顧曠然俯仰今昔同集者尺
鳧投衣各賦一解

休恨無山小闌外略借江南眉色何況山在人家梯
青喚雙屐吹不斷風前笑語怕驚起退紅簾隙古堞
飛帆平林指塔春望無力 舊知己觴送花迎畫歌
舞屏閒未頭白誰道琵琶纔招賸康家陳跡豪氣被
蕭蕭草樹甚曳裾有此狂客為問天畔歸鴻遠愁銜

得

摸魚兒 蕪城清明

杏錫香鬧花門巷家家風外晴穩來時猶道江程短
定不短如愁鬢飛絮近作酒惡寒輕只是無人問紅
絲硯潤便杜老傷春江郎賦別難寫此時恨 西湖
路最愛山聯眉暈游船會記歸盡綠楊闌角聽鶯坐
知我平生疎俊情一寸回首處雲容水態還相引天
涯自西繞九里街中三分月底誰與寄芳信

掃花游

乙巳三月二十三日客揚州空齋積雨
孤愁特甚問人始知是春盡日也黯然

於懷賦寄尺鳧

折花汎舸又夜淺燈孤綠陰如許舊遊閒阻聽簷聲
壓酒醉醒無據落魄多愁尚記羅帶雁柱向南浦訝
楊柳今朝腰瘦慵舞 行徧深院宇已負了春來忍
教春去笑人易誤似山中枕石頓忘時序小榼櫻桃
更憶西園勝聚寄情處畫當年滿湖烟雨

門嬋娟

題趙飲谷采香詞居近滄浪亭自榜曰
小吳船

中吳烟水微茫地吟邊何限清感夜深腰笛伴漁謳
冷玉花千點翦秀骨香霏露染娃宮風景教長占錯

羨舟居好幾雁齒橋頭解纜回首銷黯
仍是載酒年時驀然低憶薰爐絲裊菱
鑑斷腸重唱小橫塘粉字開還掩縱
賀老心情未減無端世味如雲淡好約
我垂竿手斜雨梅黃凭君畫檻

水龍吟

梅雨初霽湖上山水浮動涼氣沁入肌

骨尺鳧買舟約予輩數人緣孤山掠蘇
堤入西林橋以泊於裏湖時意林鼓琴
歇身作小篆數幅樂城觴碧筩勸客予
與尺鳧各賦此曲極暮乃罷去丁未五
月二十五日也

蜻蜓偷眼涼多飛隨小舫搖空翠西冷五月碧羅初
染冰壺乍洗多麗香車閑情椒壁夢塵空徒載荷心
酒苦桐枝絃澹看一陣風漪細更譜玲瓏散水戰
長林葉閒疎吹高寒更憶迴峯隱舍鳴泉僧寺易得
驚秋菰蘆深處此歌堪倚漸鐘催人散平波墜露點
青螢尾

蝶戀花 戊申春暮城東周氏小園池上作

三月風顛吹斷柳何況薔薇落處依苔厚折得一枝
花在手戴花人尚平安否行徧回塘銷永晝水影
蘋香只是侵襟袖杜宇數聲春欲瘦斜陽豔豔醺如

酒

謁金門 七月既望湖上雨後作

凭畫檻雨洗秋濃人淡隔水殘霞明冉冉小山三四點
艇子幾時同汎待折荷花臨鑑日日綠盤疎粉
豔西風無處減

國香慢 壬子冬至後三日過馬半槎南齋炙甜

香以供客風味幽絕前明宣宗時禁中製也坐上索予譜斯闕成半槎謂予云昔熊訥齋請詹天游賦輒香慶清朝慢云願掃陳言君於此題當與天游競爽矣明日以綠牋請予書之裝成小軸高西唐篆其首曰甜香新唱

雨浥芳塵愛花瓷寶屑百種芬氲誰將蜜脾滋味散作濃春顫裊微烟猶未寫蘭韻如幻如真輕翻小銀葉舌本先參鼻觀徐聞漢宮遺事遠歎尋方難和按譜偷分茗甌初啜依約攙了餘熏縹緲華胥一枕蝶飛來猶戀梨雲回思帶人處寄與當時浣罷羅巾
澡蘭香 癸丑淮南重午用吳夢窗韻

荷聲碧檻蒜影紋簾詩在枕根夢覺釵邊綴虎扇底
彈蠅輸與彩舟佳約記琵琶初見灣頭纔舒新眉半

萼立盡梅陰晚雨猶鳴青蕩
贏得星星短鬢羞照
江心一規銅魄涼生楚簟怨入宮砂多少玉窗羅幕
想南湖十頃菱波閑了微吟淺酌還認取天際歸帆
飛鳧闌角

薰蘭芳引 乾隆丙辰秋七月十日行郊城道上

殘暑猶熾夾道楊柳依依暫有慰于
倦旅子自庚子冬經此已十七年爾
時樹猶未種也江潭憔悴之感在人
更有甚于樹者賦此闕書旗亭壁

塵沁短衣話前事倦途亭午向畏景新秋官柳自垂
萬縷繫人舊感問翠黛那時何處等再來瞥見付與
驟網鈴語 粉絮吹簾柔枝縈扇擁髻曾訴念好箇
江南爭似路旁低舞少年容易鬢霜早聚顛顛多長
夢畫橋煙浦

天香烟草神農經不載出於明季自閩海外之

呂宋國移種中土名淡芭菰又名金絲薰
見姚旅露書食之法細切如縷灼以管
而吸之令人如醉祛寒破寂風味在麴生
之外今日偉男髻女無人不嗜而予好之
尤至恨題詠者少令異卉之湮鬱也暇日

斐然命筆傳諸好事

瀛嶼沙空星槎翠翦耕龍罷種瑤草秋葉頻翻春絲
細吐寄與繡囊函小荷筒漫試正一點溫磨相惱纔
近朱櫻破處堪憐蕙風初裊嬌寒戰回料峭勝檳
榔爲銷殘飽旅枕半欹熏透夢闌人悄幾縷巫雲尚
在濺唾袖餘花未忘了喚別春燈暗紫醉抱

湘月揚州勝處惟紅橋爲最春秋佳日苦爲游

氣所雜俗以大舟載酒穹篷而六柱旁翼
闌檻如亭榭然每數樓並集或銜尾以進
則烟水之趣希矣戊午十月十七日風日
清美煦然如春廉風黃亭賓谷葑田招子
與授衣于湘喚舟出鎮淮門歷諸家園館
小泊紅橋延緣至法海寺極蘆灣盡處而
止蕭寥無人談飲閒作亦一時之樂也懸
燈歸櫂吟興各不能已相約賦念奴嬌鬲
指聲一闋而屬予序之

客游未懶記名園水鑰誰與重叩淡寫霜痕愛到處
吹盡尋常歌酒斷激通烟疎籬借暖尚挂微黃柳移
船遙去照人都爲詩瘦何地更著功名天教老子
付垂綸閑手細數闌干問往事春共橫波爭秀亂影

風燈催歸晚留眷此情依舊城頭生月作成鄉思時
候

角招

予與趙谷林長安別三年矣戊午初冬谷

林自北歸相見于邗城塵衣風帽同話舊

游悽然振觸予懷也家山漸近又復薄遽

分手予歸杭當在冬杪谷林家西池梅花

下談讌之樂計日可待因用白石老仙自

度曲所云黃鍾清角調者製一闋寄之

話離索相逢又是江天雁影寥廓近來偏憶著並馬

去程茅店山郭情懷最惡向舊日淮南樓託看盡人

間迎送似官道柳垂垂任西風梳掠 休莫琴移別

調塵銷古怨此意真如瘴夢歸烟漠漠題扇書尋三

年前約吳船乍泊早問取疎梅池閣為怕寒香瘦削

想翻笑我歸遲延春酌

梅子黃時雨

梅雨

枯坐幽窗賺輕夢破時驚響荷扇正濃綠牆頭金丸

堪薦想到一犁江上暝愁將入吳雲遠淙潺徧吹笛

夜船燈影遙顛 深院殘寒猶戀漫妨他燕乳簾暗

慵卷奈掃壁看題蝸偷銀篆依約紅綃香潤句鞦羅

應貯沿堦蘚風微便樓前鏡波深淺

桂枝香 銀魚

平橋永晝慣柔浪寸鱗來問春後長是船橫鴨觜派
流鶯脰高人不見元真子但烟波到今依舊葦汀花
岸千絲作網笑伊還漏 更比似針鋒細瘦好分付
吳娘拖樓烹就翠釜芹芽菽乳入甌芳溜鷗鄉占取
閑滋味任年年阻風中酒幾分纖軟堪人斷腸憶鱸
能否

聲聲慢 題停琴士女圖

簾垂有影院靜無聲誰家待月闌干兩點深顰分付
次第眉山嬋娟薄妝乍脫便低鬟更自幽妍心事遠
看轉將瑤軫尚怯春寒 只有梅花知得愛香生絃
外韻在絲前小立徘徊肯教流響空烟人閒尚留粉
本不愁他輕誤華年凝望處想參橫依約未眠

齊天樂 絡緯

夕陽纔作微涼意幽窗便聞秋紡怨緒回風情絲曳
雨交戛依然搖颺離踪記往在楓葉橫塘豆花深巷
翠股斜欹蕭蕭又送去年響 何人聽時較早舊啼
銀燭背寒素無恙染黛形輕翻車韻急偏隔秦樓朱
幌餘絢漫想怕短髮難搔助愁千丈夜色柴門幾聲
天更爽

清平樂 春游士女圖

一 珍做宋版印

膠鬢新拭正是停針日小扇撲餘無氣力風裏楊花
吹急銷凝石畔兜鞵不知佞暖蒼苔欲就濃香一
夢翩翩胡蝶飛來

國朝詞綜卷二十一

國朝詞綜卷二十二

青浦 王 昶 纂

黃之雋 三首

柯煜 二首

金志章 一首

楊恆 一首

納蘭常安 五首

許昂霄 一首

張宗櫛 二首

張載華 一首

張玉輪 一首

徐漢倬 一首

顧衡文 二首

華文裕 一首

姚世鈞 一首

張含章 一首

沈灝 一首

沈中震 一首

季元春 一首

吳雯炯 三首

邢汝仁 一首

陳沆 八首

徐振 三首

蔡瓏 一首

黃之雋 字石牧 江南華亭人 康熙六十年進士官

編修有唐堂詞二卷 補遺一卷

卜算子 慢 春游

游絲乍繞芳樹漸齊偶踏畫橋紅霧柳外高樓一片
嫩烟扶住繚牆邊淺遞流鶯語為惋惜桃英萬點隨
風細細吹去 窈窕尋私路記草色香痕舊曾相遇
欲飲瓊漿定少麗人憐與枉多情門掩無敲處笑此

日吟魂醉影化濛濛花雨

翠樓吟魂

月魄荒唐花靈彷彿相攜最無人處欄杆芳草外忽
驚轉幾聲啼宇飄零何許似一縷游絲因風吹去渾
無據想應淒斷路旁酸雨日暮渺渺愁予覺黯然
銷却別情離緒春陰樓外遠入烟柳和鶯私語連江
暝樹願打點幽香隨郎黏住能留否只愁輕絕化爲
飛絮

一枝春有爲聽浴詞者嫌近猥褻正之以雅

絮撲東隣豔陽斜小浹羅衣香汗蘭湯試否細語杜
鵑花畔窗紗閉響想卸到畫鸞裙褶知尚怯一縷微
風逗得玉肌寒淺移時暗聞水濺是冰綃三尺輕
勻濕徧梨花鏡裏帶雨自憐春軟闌牆未許肯簾外
侍兒金賺應怕有雛燕雕梁看人未免

柯

煜字南陔嘉善人雍正元年進士官宜都縣

知縣有月中簫譜二卷

吳日千云南陔詞有唐人之豔冶而充拓
其門垣有南宋之縝密而剪裁其繁蹟

倦尋芳雪燈

空庭堆絮小徑飛瓊素光零亂未到更深一點微紅

黯淡寒影乍分。總月白清輝併入梅花。豔暗風吹藉軟屏。曲護尚愁輕剪。聽叫罷遙空哀雁。又手冷呵棋挑盡殘焰。塑就獅兒。皎鏡不嫌重看。全透珠胎空不着。半籠雲母深還見。怕晨曦碎冰蠶霎時驚散。

綺羅香

雨織江空風驅鴈斷。獨客不堪愁緒。秋色無端縹緲。又添詩句。正歌動兩岸歸舟。却烟鎖一簾紅樹。甚長天不挽。閒雲任他片片落南浦。淒涼渾似羈旅。只有銀床梧葉。伴人辛苦。青簡年年故遣。花蟲空蠹。被蛩聲喚起香魂。且倦倚屏山深處。恁無聊。獨背燈花。爐烟時共語。

金志章

字繪貞錢塘人雍正元年舉人官至口北兵備道

水調歌頭

題陸南香白蕉詞

試汲井華水。絕妙譜新詞。書長僧院人靜。花影上簾遲。細啜風甌。綠雪慢炷。水沉香縷清興。有誰知。吟出衍波句。奇彩散紛披。旗亭話銅鞮。夢故鄉。思閒情。千種萬種都寫入。烏絲不數。江湖載酒還擬。蕢洲漁笛風調詎。差池讀罷起相憶。階下月明時。

楊

恆字以方嘉善人雍正元年舉人有賞靜軒

詞

點絳脣

紅紫爭妍畫簾開處香成陣暖風吹鬢羅綺春肌困
十二樓前望斷天涯信無人問燕泥銜盡花落黃
昏近

納蘭常安

字履坦滿洲□□旗人官至浙江巡撫
有受宜堂詩餘三卷

如夢令

秋夜

簾外月明誰共池上敗荷烟重何處作秋聲深巷疎
砧風送吹動吹動驚破栖鴉寒夢

點絳脣

落花

春老園林亂紅陣陣飄晴晝巧鶯聲溜日日將花咒
枝上稀疎雨打風吹又胭脂透玉堦苔厚嫩綠鋪
紅繡

畫堂春

閨情

高樓百尺月孤明綠窗梅影縱橫畫屏小倚聽殘更
欲睡寒生 沉水添薰金鴨羅帷自照蓮檠枕邊春
夢不分明一夜零星

眼兒媚

秋閨

晚粧樓下樹陰陰烟縷織愁深殘燈照影孤鴻破夢

獨枕驚心 楚天雲雨都成幻遺恨到如今題紅心事分釵密約幾度沉吟

臨江仙 暮春

曾幾何時花事了落紅斜點春衣畫樓寂寞柳垂絲蝶慵鶯懶芳草綠萋萋多少間愁無處說日長春困難支總無頭緒是離思夢魂迷斷風雨日沉西

許昂霄字誦蔚海寧人貢生有陽坡山人詞一卷

浪淘沙

細雨滴芭蕉暑氣全消簟紋如水夢迢迢明月半牀香半鼎忍負良宵殘燭一條條戍鼓初敲不堪瘦盡沈郎腰窗外露蛩聲斷續似訴無聊

張宗櫛字永川海鹽人有藕村詞二卷

臨江仙

林際榆錢漸密堤邊柳線初分昏雅歸晚奈離羣斷雲含雨零亂入孤邨掃徑紅留花影臨溪綠帶苔痕朦朧新月又黃昏小窗無伴殘燭對清尊

琴調相思引

畫閣新晴春意濃流鶯啼到綠陰中日長風靜花影隔簾紅倚檻有情調翡翠熏香無力繡芙蓉閒尋好夢獨自掩房櫳

張載華字芷齋海鹽人

巫山一片雲

重簾不捲重門靜綠陰滿地蒼雲影無事日偏長金
猊漸吐香展書閒坐久覓句時叉手何處一蟬鳴
雨餘分外清

張玉輪字星讓海鹽人有練峯詞鈔一卷

邁陂塘題吳石帆南湖載酒圖

問南湖誰移釣艇翩然清興如許浮家擬仿天隨子
茶竈筆牀都具拚小住愛巾漉春醪醉眼迷香霧翠
篷容與認楊柳絲多鴛鴦夢冷箇裏覓愁句吟懷
好寫遍蓼汀蘆泚敬眠聊伴鷗鷺棹迴穩趁纖纖月
指點石帆青處容喚渡看故態狂奴側帽尊前舞他
時記取約第五橋邊吾槎重泛把盞肯來否吾槎夜
雨涉園十六景之一

徐漢倬字鳴臯無錫人

杜紫綸云吾鄉詞友倚平以外惟子山碧
滄子思子長三四人而已最後得徐子鳴
臯詞筆秀絕乃不幸早世舊藁零落可惜
也

渡江雲雲川閣坐雨同杜紫綸華子思作

秋心無處著登樓送目衣薄晚天涼小山叢桂近瑟瑟西風隔院度新香分牋刻燭重描寫細膩風光恰髣髴置身圖畫簾影動瀟湘家鄉東華夢遠杜曲花新正尊鱸無恙莫便道相如游倦懶賦長楊江南秋色憑君取更平分座上清狂人醉也雨絲都化愁腸

顧衡文字倚平無錫人有清琴詞一卷

夜行船

飽挂輕帆衝霧去月初斜未分明處漁市燈紅雁汀蘆白隔岸微茫人語自是扁舟鮭菜侶甚勾回十年情緒繡被眠香深杯滯酒真箇畫船聽雨

宴清都燈下讀宋詞感賦同紫綸作

舊曲閒尋遍西風緊簫聲雲外吹斷分牋刻燭聽歌點屨故情都減依稀杜曲花深但題起青衫淚滿忍還向舊日銅街玉笙指冷重按今宵月黑燈紅故人相對愁緒難翦霓裳歇拍伊涼換譜玉京秋怨知他幻影詩魔總付與紅爐雪片笑栖栖頭白詞人碧霄夢遠

華文裕字予思無錫人

渡江雲雲川閣坐雨同杜紫綸徐鳴皋作

一村烟水上城南杜曲有箇看山樓恍如圖畫裏隨
意狂吟儘可當閒游十年此地常消受窗几清幽況
更有幾人同調小語豆棚秋 颺颺幾絲秋雨密密
疎疎做晚涼時候新浴罷單衣乍冷休上簾鉤就中
誰憶繁華夢且占取繡被香篝猶未老多情杜牧風
流

姚世鈞字炳衡歸安人布衣有玉湖漁唱

祝英臺近

月波樓金粟洞合有素娥共緩緩長廊翠滴小階重
妝成旋放毫犀雲鬢半鞦韆映出一叢金鳳 好春
送惜惜獨向蘭房閒把玉笙弄密意柔情好在眼波
動只消捧硯傳箋鼓儂折福又何況鴛鴦同夢

張含章字豐村錦州人官同知

百字令東堂春讌用紫珊韻

顛毛薙盡恨鏡中霜葉百年早半揜袖朝朝搗羯鼓
亂落小梅庭院風入松時雨淋鈴夜騷客同歡宴東
風幾日繞簾又見飛燕 不信強項乃公守雌男子
腰折如蠶軟胡粉簪花鬆兩髻自把金樽頻勸老怕
人憐狂仍故態醉也誰拘管花開花謝雙丸一任環
轉

沈 灝字超遠仁和人

百字令 張豐村司馬東堂春讌

自離鄉後怪連宵風雨春將過半幾遍思歸歸未得
小住落梅庭院無計驅愁東君爲我秉燭張高宴紅
牙銀管花間對對對鶯燕聽得腰鼓闌時有人起舞
一朵湘雲軟重別蘭膏移密座綠醕再三相勸佳會
殊難良辰作達醉倒君休管梨花枝上朦朧淡月低
轉

沈中震字雷臣仁和人

百字令 張豐村司馬東堂春讌

春光九十却風風雨雨暗中消半是處梅花都落盡
深鎖閒愁空院游子魂銷主人情重忽聽傳公宴乍
晴天氣檐前嬌語新燕記得輦下遨遊杏花深處
十丈紅塵軟幾隊霓裳敲玉樹彩袖殷勤私勸事到
而今無邊風月付與他人管不如痛飲銅壺一任頻
轉

季元春字鳴賡太平人有定餘小草

醉太平 柳

去年今年樓邊水邊弄成漠漠春烟管傷心酒筵
愁牽夢牽風天雨天瘦腰扶起三眠又江潭可憐

吳雯炯

字鏡秋豐城人有香草詞一卷

珍做宋版印

厲樊榭云笙山生世寡諧含情有託香草
詞卷小令尤工莫道風敲竹是儂來非手
提金縷之冶思乎孤月也應無可遣各分
愁一段非踏楊花之鬼語乎南唐北宋殆
兼其勝 陳玉几云笙山香草一編薰心
染臆于姜張吳史之間故穠而不迷豔而
能清

謁金門 秋夜

秋已半好夢被風吹散疊疊嶺雲東去雁幾經離別
慣 此夜不禁魂斷寂寞江潭小苑孤月也應無可
遣各分愁一段

清平樂 閨思

柳長如線永晝思量遍萬點落紅天不管惱亂幾番
鶯燕 香銷繡閣銀屏夢迴水驛山程忍見風吹花
去與郎一樣飄零

滿庭芳

春懷和柏園韻

燕子不來柳陰成幄軟風吹上羅衣亂紅堆徑多半
是香泥日永方塘人靜魚爭唼花影離離憑闌久爲
誰憔悴還怕箇人知 尋思游冶地烏衣巷口紅板

橋西記狂吟白練醉墨淋漓莫問青樓珠箔回首處
真箇天涯何時得鴛鴦艇子載取莫愁歸

邢汝仁字子安歸安人有拙庵草一卷詞附

行香子 尋春

攜得香醪來上林臯坐花陰遞酌金蕉年年春到最
是無聊奈庾郎愁潘郎鬢沈郎腰 踏青前日綺羅
叢裏縱清歌月夕風朝韶光易去一晌魂消憶宵娘
堤蕭娘院泰娘橋

陳 沆字湛斯海寧人監生有小波詞鈔一卷

祝英臺近

乍飄飄還陣陣風送落花緊妒白欺紅拋擲幾芳信
奈他選樹鶯殘奴軒燕絮更舞砌蜨衣香褪 惹離
恨便自惜別春光無言也消損簸弄陰晴只管少憑
準夕陽天氣如酣闌珊雨點又釀作去聲那人嬌困

浣溪沙

紫陌人嬌細馬馱綠楊風碎亂鶯歌箇儂閨裏笑蹉
跎 珊枕有情圓夢小芸篝無賴竊香多春山也會
賺雙蛾

又

簾外將雛燕語忙綠陰濃壓繡金牀困人天氣費商

量 梅子酸心憐舊渴荷花嬌面學新粧干卿何事
惱迴腸

又

斜挂桐梢月一弓碧雲高洗暮天空疎螢無力點簾
櫳 涼意嫩侵團扇底秋心微裊篆烟中小鬟催著
越羅重

又

的的苔枝破臘前粧臺人影共清妍正呵纖手貼花
鈿 金鴨熏添難柏夜玉龍門出煮茶天鴛鴦波冷
可成眠

好事近

今歲訝春遲芳信尚封梅屋已道殘燈收了寫催春
一曲 曉寒頓減兩三分牕戶戀晴旭昨夜東風隨
意把草痕吹綠

疎影

秋柳用竹垞韻

天涯回首怪西風夕照蕭瑟何驟昔我依依那更摧
殘經他隻埃雙埃黃埃暗把疎林護錯認了弄烟時
候恁翠條搖漾如斯重綰已輸纖手 白傅風情老
矣小蠻慘欲別鶯脰湖口短夢淒涼玉笛誰家香絮
一篝迷舊寒蟬抱處聲低咽怕則是慣依吟牖歎永

豐西角荒園秋似玉樓人瘦結借用陳西麓詞

綺羅香與余子修園詞話偶及石帚玉田二家

集並廣其意

廣座徵歌間房讀曲也要神仙流品耳食詞人一卷
草堂名稔誰辦取石帚生香那蘸得玉田殘瀋問新
來令慢圖成調絃撮笛可曾審 休管今樂非古多
少鴻儒哲相倚聲還恁笑我支離拍徧幾回珊枕倘
樂府迸落羣珠更天機乞將餘錦肯負了醉寫烏絲
酒痕紅袖沁

徐振字沙村上海人諸生有山輝堂詩餘一卷

愁春未醒贛江舟次久雨乍晴折野花數枝插

瓶中醉後偶成

烟消山瘦波暖沙明算枕樓十日春陰難得此回晴
抖擻吟毫推篷頓覺客身輕起行江曲野花無數多
半零星 信手攀來貯將酒壘聊當銅瓶強安排尋
春光景門草心情醉把花枝舊歡冷地記偏清全然
輸與釵頭鬢脚別樣輕盈

倦尋芳合肥旅舍坐雨

行到江南鎮多風雨暗將春賣瀟瀟泥聲不許馬蹄
行快褪粉落梅空砌溼染烟嫩柳低檐礙無聊甚是

孤城春店瓦飄牆壞 儘終日低頭無語又手閒吟
淒涼拌耐便做天晴那得工夫挑菜離夢半牀輕似
葉鄉心一寸愁如海縱此時強不思量怎生自在

長亭怨 秋柳

自飛去鶯兒燕子奈向隄畔橋邊樓底帶雨多愁倚
風無力甚情思舞裙歌板餘情尚還縈繫惆悵短長
亭外路但寒鴉驚起 更記畫船斜艤處賸有亂條
垂水魚簪晚挂共零落敗蘆荒葦又况是秋冷長門
對殘焰金鋪雙閉料瘦損宮腰一樣和伊憔悴

蔡 璫字文舟 岷山人 貢生 官 舍山縣訓導

意難忘

畏壘居邊有少卿翠湧秦柱雲連平橋橫曲港老樹
蔭晴川開竹徑架雲編舊物是青氈愛我廬先人手
澤賽過華軒 思量二十年前似居聯二阮荆合三
田帶經鋤老圃倒屣揖高賢傷逝水怨流年世事忽
推遷挽不留移家去也門鎖寒煙